

灌縣志卷十二

人士傳下

隱逸

流寓

藝術

方外

善舉

傳第一

耆壽

趙昱字仲明與兄冕俱隱青城山煬帝知其賢徵召不起督讓益州太守強起之糜以上爵不受拜嘉州太守時健為潭中有蛟害昱除之隋末隱去不

知所終

柳宗元龍城錄  
右隋一人

東巖子隱於岷山之陽李白從之遊巢居數年不跡城市養奇禽千計呼皆

就食了無驚猜郡守聞而異之詣廬親覩因舉二人以奉道科並不起

光緒灌縣志

常少仙青城人杜子美有過常少仙詩楊西蘇謂是青城隱者少仙或其名

字

杜詩  
鏡銓

唐求

全唐詩話  
作球

蜀州青城縣味江山人至性純慤篤好雅道放曠疏逸幾乎方外

之士也王建召為參謀不就人稱唐隱居每入市騎一青牛至暮醺酣而歸

灌縣志

卷十二 人士傳下

非其類不交吟詠有得則撚稿為丸納大瓢中二十餘年莫知其數亦不復

吟詠暮年因病索瓢致於江中曰斯文苟不沈沒於水後之人得者方知我

苦心耳飄至新渠口有識者云唐山人詩瓢也探得之已遭漂潤損壞十得

二行世者凡三十餘篇夫草澤間有隱逸得志者以經籍自娛詩酒怡情

不耀文彩不揚姓名其趨附苟且得毋愧赧唐山人乎

黃休復茅亭客說

又王象之云

唐球長安人仕唐為青城令王建陷成都即棄官居於味江開寶間邑大夫

宋璫諡曰寶逸先生

輿地紀勝

據此則求非青城人乃青城令然休復蜀人居近

味江較象之聞見必詳也

彭洵灌記

張道古臨淄人景福中進士

乾隆灌縣志

謫施州司戶參軍入蜀王氏聞而憾之變

姓名賣卜導江青城市中

全唐詩話

一說道古少有文詞官右拾遺播遷後方鎮

阻兵上疏言五危二亂七事謫施州陳田之變易姓名賣卜溫江王建奏為

節度判官衆嫉之送茂州安置及建據蜀召爲武部郎中至玉壘關謂所親曰吾唐室諫臣終不能拳跼與雞犬同食今雖召必再貶死之日葬我於關東不毛之地題曰唐右拾遺張道古墓可也蜀儒

張爲唐末人與周朴齊名後入青城山訪道而去全唐又逸士馮廓亦修道

於此云青城

甲記

張令問唐興人能詩隱居不仕號天國山人全唐按九域志縣有導江蒲村

唐興三鎮光緒灌縣志天國當作天谷卽青城山也見楊升菴集

孫知微字思邈成都人孟蜀時隱居青城山宋淳化中張詠鎮蜀雅慕之終

不可致及還朝出劍閣一村童持思邈畫進問所在則曰去已遠矣其高潔

如此清一統志一說知微字太古彭山處士也知書通黃老學善雜畫初師沙門

令宗蜀中寺觀多有親筆寓居青城山白侯壩趙村愛其水竹深茂以助逸

### 灌縣志

#### 卷十二 人士傳下

一一

興名畫錄又黃休復云知微性介潔愛白侯壩器塵不入冀絕外慮得專藝學畫有位求之不動卽絕食託疾而遁嘗與導江女巫問鬼神情狀以資其畫

云茅亭客話

家季遵導江令也恥事孟蜀隱居青城山寶慶初賜諡冲潔光緒灌縣志

譙定字天授涪陵人少學佛析其理歸於儒嘗學易於蜀曩氏夷按聞程頤

講道於洛棄其學而學焉遂聞精義歸後頤貶涪北山有巖師友游詠其中

名曰講易洞靖康初呂好問薦之朝召爲崇正殿說書不就高宗卽位詔詣

行在至維揚寔甚一中貴憐而餽食不受與之衣與金亦委而去金兵至歸

蜀愛青城大面之勝棲遯其中蜀人指曰譙巖敬而不敢名也稱曰夫子有

繪像祀者久而不衰後不知所終樵夫牧童往往見之宋史蜀人馮時行張行

成皆得其易學陸游稱其百三十餘歲巢居險絕人不能到數年輒一出游

有託上官道人寄譙先生詩楊慎謂其在牡丹坪全蜀藝文志註

勾台符青城人受業丈人觀為道士與張愈為詩友自號岷山逸老嘗云左

執范賢袂右拍薛昌肩舉頭傲白日長嘯揭青天囂囂者安知華夏之內有

此逸樂乎不知岷山之逸老於我乎抑我之逸老於岷山乎輿地紀勝楊慎五隱

贊其於台符即本其所自云者組織成文耳彭洵青城山記

焦夫子岷山人忘其名以博學教授後進故世以夫子稱貌陋且怪長目廣

鼻虬髯垂癭性直率不自飾雖冠帶往往爬搔捫虱然而歌詩有驚人句蜀

人止能誦其一聯云兩輪日月磨興廢一合乾坤夾是非熙寧中文與可至

天彭館於徐公園杯酒談笑中成夫子像於亭之壁元豐壬戌郡守聶子固

懼其歲久漫滅遂徙其壁於郡圃凝翠亭今不復存矣有石刻本在世游宦紀聞周表

焦夫子碑亦同

# 灌縣志

## 卷十二 人士傳下

何子方名佚范成大有青城縣何子方使君同年園池詩云水竹光中同一

笑丐君荷露濯塵纓陸游會飲何氏池亭贈譚德稱詩亦有隱書不厭千回

讀大藥何時九轉成句殆亦仕官而歸者歟彭洵灌記

籬桶翁不知何許人也初程頤父珦守廣漢兄弟皆隨侍遊成都見治籬桶

者挾册就視之則易也欲擬議致語篋者先曰若學此乎因指未濟男之窮

以發問二程遜而問之則曰三陽皆失位兄弟渙然有所省翌日過之則去

矣楊慎云程子遇青城籬桶翁而知未濟之陽失位為男窮之義升菴集據此

則篋者固嘗隱於青城矣彭洵灌記

姚平仲字希晏世為西陲大將幼孤從父古養為子年十八與夏人戰賊底

河斬獲甚衆賊莫能枝梧宣撫使童貫召與語平仲負氣不少屈貫不悅抑

其賞然關中豪傑皆推之號小太尉睦州盜起徽宗遣貫討賊貫雖惡平仲

心服其沈勇復取以行及賊平平仲功冠軍乃見貫曰平仲不願得賞願一見上耳貫愈忌之他將王淵劉光世皆得召見平仲獨不與欽宗在東宮知其名及即位金人入寇都城受圍平仲適在京師得召對福寧殿厚賜金帛許以殊賞於是平仲請出死士斫營擒虜帥以獻及出連破兩寨而虜已夜徙去平仲功不成遂乘青驃亡命一晝夜馳七百五十里抵鄧州始得食入武關至長安欲隱華山顧以爲淺奔蜀至青城山上清宮人莫識也留一日復入大面山行二百七十餘里度采藥者莫能至乃解縱所乘驃得石穴以居朝廷數下詔物色求之弗得也乾道淳熙之間始出至丈人觀道院自言如此時年八十餘紫髯鬱然長數尺面奕奕有光行不擇崖塹荆棘其速若奔馬亦時爲人作草書頗奇偉然秘不言得道之由云

陸游姚平仲小傳

上官道人北人也隱青城山巢居食松粲年九十人謁之但一笑耳有所請

## 灌縣志

### 卷十二 人士傳下

四

則託病暗放翁見於人觀丈人語曰爲國家致太平與長生不死皆非常人所能且當守國使不亂以待奇才之出衛生使不夭以須異人之至不亂不夭皆無異數惟勤而已放翁大喜從而叩之則已復言暗矣

老學菴筆記

安世通青城山道人也本陝西人其父有謀策爲武官數以言干當路不用自沈於酒以終世通亦隱居不出吳曦反乃獻書成都帥楊輔曰世通在山中聞變不覺大慟世通雖方外人而大人先生亦嘗發以入道之門竊以公初得曦檄卽當還書誦其家世激以忠義聚官屬軍民素服號慟因而散金發粟鼓集忠義閉劍門檄夔梓興仗義之師以順討逆誰不願從而士大夫皆酒缸飯囊不明大義尙云少屈以保生靈何其不知輕重如此夫君乃父也民乃子也豈有棄父而救子之理此非曦一人之叛乃舉蜀士大夫之叛也聞古有叛民無叛官今曦叛而士大夫皆縮手以聽命是驅民而爲叛也

且曦雖叛逆猶有所忌未敢建正朔殺士大夫尙以虛文見招亦以公予否  
卜民之從違也今悠悠不決徒爲婦人女子之悲所謂停囚長智吾恐朝廷  
之失望也凡舉大事者成敗死生當付之度外區區行年五十二矣古人言  
可以生而生福也可以死而死亦福也決不忍汗面戴天同爲叛民也輔有  
重名蜀中士大夫多勸以舉義世通言尤切至輔不決東如江陵請吳玠舉  
兵討賊未幾曦敗玠使蜀薦士以世通爲首宋史隱逸傳  
右宋十人  
馮廷器周良翰鮮于宗申皆焦維章友也嘗與偕遊青城抵建福宮良翰攜  
酒及穀以進風雨大作勢欲中止宗申不可乃窮其勝歸途飲廷器家蓋馮  
乃田於山下者二子亦鄉人殆當時隱君子歟見焦維章遊青城  
山記右明三人  
陳烈陝西岐山人僑寓灌博學工書淡於營利日以教授生徒爲事邑名士  
多從之遊時論高之榜其門曰熙朝逸士乾隆灌  
縣志

灌縣志

卷十二 人士傳下

五

黃梅號映風不知何許人或以中江名宿多師之遂謂中江人學問純粹喜  
山水初挈家居灌東天承寺以訓蒙自晦不與人交而風範絕俗有識異之  
質以文點竄具有名理從者遂衆日肅衣冠端坐講舍論文一本方百川似  
其所受業者生平言不及世事詢所自亦不答鄉人士多受其裁成無子僅  
一女囊中無物口不言錢有古隱君子風其卒葬皆門人宋履坦經營之彭  
洵

灌記右  
清三人

賈玉堂字濟安別號公山野叟溫江劉板橋人積學不事舉業壯年曾游大  
幕晚寓麻溪買山而居不問時事常與胡倫龔岐鳳相過從年皆上壽人望  
見之以爲老人星聚也又與陳秀孚龔瑞廷輩相酬唱惜藁無存卒年八十

有一新

采

贊曰泥塗軒冕自古有之非必絕人逃世也或遭值時變而欲完其貞或厭

倦俗塵而去之若浼有高節焉有苦心焉要皆澀而不緇者前志所載不必盡爲邑人而事則相類茲復附益遙遙千載漠然徒見山高而水清仰止風

徽貪夫亦廉矣以上隱逸

王褒字子淵資中人以事到湔止寡婦楊惠舍惠有夫時奴名便了子淵倩奴行酤酒便了曳大杖上夫冢巔曰大夫買便了時但要守家不要爲他人男子酤酒子淵大怒曰奴寧欲賣耶惠曰奴大忤人人無欲者子淵即決買券奴復曰欲使皆上券不上券便了不能爲也子淵曰諾署券文云云讀券訖奴叩頭服罪願爲酤酒不敢作惡見藝文類聚太平御覽亦載之券詳文徵按玉壘山湔水所出漢書郡國志

在今縣境右前漢一人

范長生名友字子元涪陵丹輿人隱居西山蜀人敬之號曰長生晉惠帝時李雄攻成都百姓保險自守長生率千餘家依青城山雄得成都於湔氏村

灌縣志 卷十二 人士傳下 六

築館爲長生稅駕之所乾隆灌縣志方輿勝覽云長生名寂字無爲劉先帝時栖青城山得長生久視之術徵之不起就封逍遙公後主易其宅爲長生觀晉書

載記云徐輿說長生以糧資李流流軍復振又以長生求道養志欲迎爲君辭不就永興元年雄僭稱王長生自西山乘素車至成都雄迎於門執版延坐即拜丞相雄僭帝號加長生太師封西山侯復其部曲不預軍征蜀錄又稱長生卒以其子賁爲丞相長生善天文有術數蜀民奉之如神李鼎祚周易集解引蜀才顏之推謂即長生楊升菴引陳子昂西山蜀才語謂與長生爲兩人華陽國志云長生名延久字元壽年過百歲則其名亦非一矣又升菴藝文志云成都金容坊有石筍諸葛武侯嘗發之得篆書蠶叢啟國鎮蜀碑李雄復掘視之有濁歎燭觸蠲五字衆莫解范賢云亥子歲記濁字主水災寅卯歲記歎字主饑饉己午歲記燭字主水災辰戌歲記觸字主兵災申

西歲記蠲字主稼穡富贍以年事推之其應如響蜀錄謂其有術數不信然

歟右晉一人

符載字厚之蜀郡人有奇才始與楊衡宋濟棲青城山習業衡擢進士第濟老死無成惟載以王霸自許恥於常調章皋鎮蜀辟度支使雖受知尚多偃蹇皋嘗設醮請撰齋詞於時飲摩訶池上載離席緩步命小吏十二人捧硯各授口占其敏速如此後劉闢知留務起雄據之心載為所羈闢敗幕僚多及禍載以箋奏草藁一篋呈高崇文長揖東下棲於廬山孫光憲北夢瑣言時有張仁

寶者閬中人亦嘗與載同寓青城云

光緒灌縣志

嚴遵美為唐左軍容使闈宦中仁人也自言北司供奉官袴衫給事無乘簡入侍之儀樞密廨舍三間藏書櫃而已亦無視事廳堂狀後貼黃指揮公事乃楊復恭奪宰相權也自是常思退休昭宗播遷鳳翔乃求致仕蜀軍收降

# 灌縣志

卷十二 人士傳下

七

興元徙劍南依王建於青城山下卜別墅居之年過八十而終時誅宦官惟西川不奉詔由是脫禍家有北司治亂紀八卷備載闈宦忠佞好惡北夢瑣言蓋

唐世中人以忠謹著者惟馬存亮西門季元與遵美而已

唐書宦者馬存亮傳

侯翻成都人風儀端秀有若冰壺光啟中以拔萃出身為邠寧從事僖宗播遷擢中書舍人翰林學士內試數題立就舊族潛推服之僖宗歸闕除郡不赴隱導江別墅號臥龍館王建圖霸屈致幕府先俾馮涓侯其可否北夢瑣言翻素於涓有恩涓力薦辟為節度判官掌書記嘗有書謝建云翻可以行修箋表坐了檄書其自負如此

十國春秋前蜀本傳右唐六人

邵慶餘丹陽人聞岷山勝概遷遂其家於山之陽累世登第在蜀為故家

光緒

灌縣志

范鎮字景仁喜為詩年六十三致仕一朝思鄉里徑行入蜀故人李才元知

梓州景仁枉道過之歸至成都日與鄉人樂飲散財於親舊之貧者遂遊峨  
眉青城山期年乃還京師得詩凡二百篇蜀故

宋汝為字師禹豐縣人靖康元年金人犯闕闔門遇害汝為思報國及父兄  
仇建炎三年金人再至謁部使者陳邊事遣詣行在補修武郎奉國書使金

不屈完顏宗弼稱為山東義士命見劉豫說以歸朝不從因結陷北者以機  
密聞紹興十三年亡歸作恢復方略以獻秦檜置不聞復上書言用兵之要

久之有告汝為於金以蠟書言機事者大索不獲尋知南歸檜將械送金人  
乃變姓名入蜀汝為身長七尺疏眉秀目望若神仙楊企道遇之溪上曰奇

士也假僧舍居之汝為傲儻尚氣節博物洽聞與宇文亮臣李熹相得甚歡  
有忠嘉集行世宋史本傳其客蜀時嘗寓居青城山云乾隆灌縣志右宋三人

嚴安海寧人因宋慎坐胡惟庸黨戍茂州徙居灌口乾隆灌縣志按明初胡惟庸獄

# 灌縣志

## 卷十一 人士傳下

株連者三千餘人太祖惡之皆不免彭洵灌記右明一人

何璟字小宋廣東香山縣人道光乙未進士翰林編修浙閩總督父愈以知  
縣官蜀璟嘗隨宦因居母憂流寓灌城數載光緒灌縣志

周益字子謙廣西桂林縣人邑令因培次子也洪楊之亂即入蜀居於灌咸  
豐癸丑成進士入部曹仍寓縣垣主講岷江書院後外用彭洵灌記

尹清臣字省齋湖南衡州府常寧縣人以諸生遊學來川捐縣丞咸豐庚申  
藍寇擾瀘州清臣佐戎幕有功川督委署犍為縣尉繼署廣元百丈關巡檢

宦囊仍乏因移家灌之石羊場依族人以居卒年七十有九生平好詩與同  
寅唱和成帙有朋簪雜錄四卷新采

胡之聰江蘇上元縣人宣統元年以吏目署灌縣典史大吏嘉其勤能保知  
縣三年路潮發生政體一變因辭職以書畫自娛民國十五年卒於寓所新采



周桂丹永川縣人光緒中流寓興仁場有俠氣工吟詠且精醫其詩有云天  
下已無書可讀世間惟有俗難醫年少太平輕忽過未知何日際昌期語多  
閱歷惜遺藁不傳新采

劉世珍字希之華陽人武舉民國初挈家入山居漩口場爲人性直而貌恭  
恆以書籍自娛時或垂釣溪上其居室有聯云除卻漁樵無我事休誇名器  
是身符舉家流寓同爲客千古離鄉一樣悲風雅出自武人殊罕覩也新采

謝育字莘農崇寧縣恩貢生爲人多藝而豁達性醇厚鄉黨稱孝弟焉清咸  
豐庚申避寇遷灌之白沙河塔子坪因以爲墅別謝故舊族育能文從遊者  
衆於人無親疏貴賤皆坦率無城府善養生老而愈健恆徒步往來山中疏  
食布衣泊如也年七十六無疾逝旬日始斂顏色如生說者以爲有道術云

新采  
清八人  
右

## 灌縣志

### 卷十二 人士傳下

九

呂承一字貫三清德化縣舉人官至江西廣信府知府國變後入蜀嘗與朱  
谷陽遊青城山寄懷吟詠相與唱和又東至石羊場主羅麟館中會普陀寺  
新勒石佛因爲作記斐然有文采云新采

贊曰吾鄉以山水勝其流寓者往往有魁儒傑士焉范賢之事傳者不一要  
固有權略者也子淵以下或從容養性或假蹇韜光蓋遭際使然地以人傳  
乎抑人以地重乎相得益彰各有懷抱不徒爲流連風景計矣

周羣嫻數術讖說岷山採藥見一白猿從絕峯下對羣而立羣抽佩刀投之  
化一翁握中有玉版長八寸以授羣羣問曰公生何年答曰已衰矣忘其年  
月猶憶軒轅時始學曆數風后容成皆黃帝之史就予授曆術至顓頊時考  
定日月星辰之運猶多差異春秋時有子章子野裨竈之徒權略雖驗未得  
其奧邇來世代興亡不可復記因以相襲至大漢時有洛下閎頗得其旨羣

服其言更精勤算術考校年歷之運驗於圖緯知蜀應滅及明年歸命奔吳人稱周羣陰陽精妙謂之後聖

蜀故又見拾遺記  
右季漢一人

靳普明數學泰始十年皇甫宴討汶山白馬胡軍至都安屯觀坂初宴未出蜀中傳相告曰井中有人學士靳普言客尾入東井井爲益州分野憂刺史戒客人耳又有猛風是爲逆風其日觀卦用事若軍西行獲觀坂門人向天井益可慮也卒如其言普習術不貪榮祿卒於布衣

光緒灌縣志  
右晉一人

孫思邈華原人天后朝居嵩山修道時大早有勅選洛陽德行僧徒千百人於天宮寺講王仁經祈雨有二人在衆中鬚髮皓白講僧曇林問所來二老曰某伊洛二水龍也聞至言當改化林曰講經祈雨知之乎曰安得不知然雨須天符乃能至林曰奈何二老曰有修道人以章疏聞天某可爲力林乃啟則天召思邈內殿飛章其夕雨降思邈退詣講席語林曰吾修心五十年

## 灌縣志

### 卷十二 人士傳下

十

不爲天知何也因請問二老二老曰非利濟生人豈得昇仙於是歸蜀青城山撰千金方三十卷既成白日冲舉

獨異記

邢先生青城山道士也精方藥武宗患心熱疾進藥罔瘳有言道士者帝詔見以肘後錄囊中青丹兩粒絞梨汁進之疾尋愈賞賜萬金封廣濟先生經數日辭去後疾作再詔之青城山不如所往

太平廣記 許  
默紫花梨記

李昇成都人弱冠志攻山水每含毫就素必有新奇嘗畫青城山峨眉諸圖後學得之爲無言師蜀人呼爲小李將軍以明皇朝有李將軍擅名山水也

益州名  
畫錄

殷九霞青城山道士也張侍郎爲河陽烏司徒從事同幕皆名輩九霞來自青城有知人之鑑烏問年壽官祿九霞曰司徒貴極藩服所望者秉鈞軸建茅土惟在保守勛庸包貯仁義獲福無涯旣而徧問賓僚九霞曰其間必有

台輔時烏器重裴副使應曰裴中丞是宰相否九霞曰若以目前人事言之當如尊旨以某所觀即不在此時夏侯相攷爲館驛巡官形質低悴烏因戲曰莫是此否對曰司徒所言是矣烏撫掌而笑九霞曰某山野之人無意於名利蓋以所見任真而道耳曰如此則非某所知然其次貴者爲誰曰張支使雖不居廊廟亦至顯榮其後譙公再居台鉉張果踐朝列廉察數州

康駢劇  
談錄

右唐  
四人

杜齟龜其先本秦人避安史之亂遂居蜀工雜畫尤妙於佛像羅漢嘗爲王蜀後主畫王子晉及唐諸帝像於上清宮又命寫先主太后太妃真於青城金華宮授翰林學士賜紫金魚袋

益州名  
畫錄

齟龜少博學涉獵經史丹青之妙出人意表始師常粲寫貌野人繪像者推以爲首

十國春  
秋本傳

辛寅遜蜀翰林學士也嘗寓青城其居爲古道院內塑像皇姑則唐玄之子

## 灌縣志

### 卷十二 人士傳下 十一

也一夕夢姑謂之曰汝可服杏仁令汝聰明老而彌壯心力不倦亦益於年壽矣求其方則用杏仁一味每盥漱畢以七枚納口中良久脫去皮細嚼和津液頓嚥日日食之一年必換血令人輕健遂依服之年逾從心猶多著述

野人  
開話

蒲師訓孟蜀翰林待詔青城山丈人觀真君殿五岳四瀆部屬諸神張素卿筆廣政中山水泛溢衝損數堵蜀主命師訓曰素卿之筆公往繼之可也凡

四堵皆師訓補筆

益州名  
畫錄

黃居家畫藝敏瞻淮南通好之日蜀主命與父笏同手畫青城峨眉山圖用

答國信

益州名  
畫錄

趙雲子善畫道像於青城丈人觀畫諸仙奇絕孫太古嘗陰使人問已畫趙

云孫畫雖善而傷豐滿乏清秀孫由是感悟

圖畫見  
開錄

童仁益畫尊像出自天資不由師授乃孫知微之亞嘗畫青城山丈人觀諸

仙圖畫見  
開錄

李蕃成都人工畫不善布色以俗工代之反晦其所長晚年用青城山長生觀門龍虎君樣翻天王二壁於青蓮院手自傅彩遂勝於前畫繼

阜江老人者能前知進士楊鼎夫嘗遊青城山過阜江中流風作同舟胥溺楊獨免既達岸有老人以杖接引且笑曰原是鹽裏人本非水中物鼎夫未及致謝已失所在因作詩以記然終莫解其語後佐安思謙判權鹽院事遇疾死則以屬分料鹽百餘斤營葬事鹽裏之詞方驗光緒灌縣志

張素卿簡州人嘗客於夏侯孜後落拓為道士居青城山常道觀王蜀先主修丈人觀請畫五嶽四瀆十二溪女及嶽瀆曹吏詭怪生於筆端見觀者恐懼蜀主誕日太傅安思謙進所畫十二仙真形蜀主欣賞因命學士歐陽炯

### 灌縣志

卷十二 人士傳下

十二

為之讚待詔黃居寶題以八分凡醮奏於玉局觀開懸供養益州名畫錄蜀主每歎

書畫讚為三絕云野人  
聞話

李壽儀者蜀中道士邛州依政人也精畫業師張素卿人呼為李水墨多畫道門尊像嘗往來青城山丈人觀點簇素卿所畫五嶽四瀆歸家習之神采

氣韻有過時流益州名畫錄  
五代九人

皇甫坦夾江人善醫顯仁太后苦目疾不能療詔募醫臨安守張僞以坦聞高宗召問何以治身坦曰心無為則身安人主無為則天下治引至慈寧殿治太后目疾立愈帝喜厚賜之一無所受令持香禱青城山還復召問長生久視之術坦曰先禁諸欲勿令放逸丹經萬卷不如守一帝歎服宋史

康道豐青城山丈人觀主也知成都府辛諫議患大風衆醫不效道豐進煨製雲母粉服之立愈法以雲母一片折開揉碎入大瓶內築實上澆水銀一

兩封固以十斤武火煨通赤取出卻拌香葱紫連翹草二件合搗如泥後以夾絹袋盛於大水盆內搖取粉餘滓未盡再添草藥重搗如前法取粉沈水乾以小木盤一面於灰上印一淺坑鋪紙傾粉於內候乾移入火上焙之取出細研麵糊丸如桐子大病者服之無不效

大觀  
本草

楊大明字民瞻關中將家子棄蔭走方外善畫龜蛇今丈人山道院藏經閣後壁有所作龜蛇廣丈餘最雄傑

繼書

董正圖居青城至和初安仁費孝先至正圖學舍壞其竹牀欲償值正圖曰成敗有數何償焉孝先視其側書云某年月日爲費孝先所壞大驚卽師事之正圖授以易孝先遂以術名天下

廣輿記

其所授易即軌革卦影之術也

仇池雜記

李吹口永康軍人善搏虎太平興國中虎暴失蹤入市市人千餘叫噪逐之虎爲人逼弭耳矚目而坐或一怒則跳身咆哮市人皆顛沛長吏追善捕獵

## 灌縣志

卷十二 人士傳下

十三

者衆云李吹口至矣虎聞茫然竄入市屋下匿李刺以戟仍以短刀刺虎心取血飲之

茅亭客話

馮懷古字德淳遂寧人也有人倫鑑善地理太平興國中卜居青城三溪路牛心山前看花山後立大閣三間偃息其中所論皆丹石之旨往來雜遝傳者以方書爲要受者以金帛爲情咸平中成都豪家葬父選山下穴數歲方得令馮視之曰陵回阜轉山高隴長水出分明甚奇絕也主人曰葬後家財耗散人口淪亡何奇絕如是馮曰萬物中人最靈受命於天貴賤各有其位如鳥巢獸穴毋相奪者此乃公侯之地豈常人可處亡者不安存者不寧易曰負且乘致寇至小人而乘君子之器其是之謂乎

茅亭客話

李士寧蓬州人與成都章警善警能文不仕晚用太守王素薦賜號冲退處士一日夢人寄書召之云東岳道士書也明日與士寧遊青城濯足水中警

謂士寧曰脚踏西溪流去水寧答曰手持東岳寄來書誓大驚不知所自未幾誓果死士寧於成都見蘇軾日子已貴當策舉首已而果然士寧語默不常或以爲得道者年逾百歲乃卒

東坡志林

趙公元天水人棲心於岷山之都瘵山自稱年七百八十能驅使草木爲人療疾賴之者衆後入大面山不知所終

輿地紀勝右宋八人

牟康民內江人少受異人傳隱居青城山萬曆末上書當道言辛酉九月蜀有變平之者朱方伯燮元俄奢酋據重慶將寇成都朱詣青城康民已俟於途叩之曰酋至成都乎曰至矣十日耳圍城乎曰圍百有二日可守乎曰不可然有公在無慮公二十年鎮撫西南功比韋南康問天下事曰北都王氣盡矣後朱總督西南牟寄書云冰猴而冠者與公爲難熊據其險助之爲虐幸聖明在上無虞也已果爲劉宗祥所劾大學士王應熊主之事尋得解

四川

## 灌縣志

卷十二 人士傳下

十四

通志 居易錄 右明一人

王一中字不偏江安橋道人也年八十顏如冠玉性慈惠於人無稍忤其先師楊道人自滇來灌授以金經秘訣一中初未就學後若有悟通大中論語老釋貝典士林咸欽異之垂簾市中日得百錢自給恆以忠孝節義爲占者勸未嘗輕言禍福也

光緒灌縣志

賀鴻基字培堂崇義鄉人以進士官刑部久滯京華以醫自給頗有名竟歿不歸

新采

焦玉書字紹伯清同知銜爲人美風儀善容止積學能醫探賾索隱究極本源大吏延請治疾率奏效有重名又精堪輿術於形勢理法皆洞悉然不輕爲人卜地也子必銓諸生頗諳父業能言其意夙好吟詠工書法饒有奇氣惜早逝遺藁亦無存者

新采

羅世昭監生成豐間從宦渠縣學署以藍匪警城防積功議敘巡檢爲人和易而介耿精於醫理踵門者趾相接有延請者輒往無貧富一也其尤窘者且以藥資之年八十有一而卒新采

車有鄰號花畦賦性和雅而善畫花卉生動多姿同時有董朝綱者字薇齋工書畫書學高升之而畫竹之蒼勁則以鄭板橋新采

楊毅然字卓齋善畫雜卉翎毛尤工行書年七十卒清華字鶴山理番廩生精法書又善鐫骨石印章而竹器尤絕倫新采

魏鬍子佚其名土橋場人也醫習外科清咸同間名噪甚素精祝由術請求者言痛苦輒曰我適不暇爾歸言不痛可耳試之果然新采

周庚號星垣邑諸生述先世堪輿業爲人敦厚操術亦精縣修文廟泮池無水請庚卜之令移前數武工未竟而水至由是名重一時新采

灌縣志 卷十二 人士傳下 十五

王豐南性慧過人平生習藝無師而火印玩器精緻異常成都勸業會曾膺特獎又臆造救火噴水機頗適於用新采

袁巫者蒲陽鄉人佚其名人以天亮呼之因醮禳每達旦也操術頗精清咸豐間天旱縣令英啓召之袁命使者伸其掌濡筆爲畫一圈囑緊握以歸至署方啟視使者中途視之則黑雲一縷直冲霄漢膚寸而合大雨傾盆四郊

稿禾悉蘇新采 李流貴汶川縣人好預訟事縣令捕而笞焉寄卡中適令女病瘡痛聲達署

外貴曰我能止之請達官卡丁如其言不日愈因釋之又嘗赴漩口夜過虛閣同人恐因語貴曰君有盍術試焉貴舉手指揮而呼號之聲徧山谷新采

楊朝典字曉亭武舉清海之祖也嫻醫理著有寒門要訣出其門者多良醫最著者爲何世芳又有蔡曲江張敬三者皆以儒生習醫有名於時而崇義

鄉之苟氏魏氏黃氏並世傳醫術今漸替云新采

王肇基字作山諸生工詩善畫尤精篆隸通天文造有天星羅盤徑一尺八

寸頗行於世卒年八十有三新采

孟端字鶴莊善畫花卉翎毛山水人物以水墨擅長擅得生趣卒年八十有

一新采右  
清十九人

贊曰小道致遠恐泥然有可觀者焉劉略班志所以錄技術也古今畸人異事多矣苟非入於虛無類皆徵於實驗談言微中蓋有道存游藝一端亦以才見茲輯前志所載著於篇且附益之寧非多聞之助哉以上藝術

甯封黃帝時為陶正積火自燒隨煙上下視其灰燼猶有骨時人葬於甯北

山中故謂之甯封子列仙傳嘗隱居青城山黃帝從問龍躡飛行之道自唐以

來號五岳丈人儲福定命真君一統志青城丈人觀即修真處宋賜名會慶建

### 灌縣志

#### 卷十二 人士傳下 十六

福宮乾隆灌縣志相傳開元間玄宗夢有朱衣金冠者下謁召司馬承禎訪之謂青

城丈人實長五嶽因置廟以齋食為饗云錄異記

容成公黃帝師也一名鬼臾區一名鬼容區隱於鴻蒙今青城山也習太始

天元册文為帝言天道真要五運六元周穆王時猶見之髮白復黑齒落復

生蓋專主養氣者也亦云為老子師漢書陰陽家鬼容區三卷即其所作又

為岷山真人蜀之八仙以公為首其三董仲舒與江都同名亦青城隱士也

內經素問 列仙傳 枕中書 譙秀蜀記又鬼谷先生為太元師治青城山中枕中書 右 五帝時四人

魚鳧蜀王也周失紀綱蜀侯蠶叢始稱王次柏灌次魚鳧魚鳧田於湍山忽

得仙道蜀人思之為立祠華陽國志

杜宇王蜀時嘗大水宇與居人避於長平山後鼈靈開峽治水得陸處宇因

禪位自居西山得道仙去列仙通紀右 通紀周二人



司馬季主楚人北遊五六年西入蜀居青城老人村顏如少女去時託形枕

席墓在成都升遷山南諸葛武侯建碑銘德集仙傳  
神仙真誥

王方平領仙士萬五千人以鎮青城又青城真人洪厓先生俱隱居其內列

真靈四位之右上清記  
靈位業圖真

李意漢文帝時人居青城山能前知章武元年昭烈將伐吳使陳震聘至問  
師吉凶不對索紙筆畫兵馬器械數十張以手裂碎別畫一大人臥路旁掘  
土埋之稽首去後悉應又唐玄宗聞有仙術屢召不至但以一圖付使者圖  
畫一山山上一茅菴菴下一鹿後安祿山亂幸蜀始悟其旨乾隆灌  
縣志按太平廣

記作李意期蜀志注引神仙傳作意其

王谷神皮元曜皆青城山道士通老莊妙於星緯周遊名山渡荆渚泛瀟湘  
至南嶽居金母殿後胎息成東遊羣山訪九仙武帝南巡見之封王為太微

### 灌縣志

卷十二 人士傳下

十七

先生皮為太素先生列仙  
通紀

馬鳴生臨淄人本名和字君賢帝遊青城山後入華陰仙去列仙  
通紀鳴生少為

縣吏捕賊受傷死遇神人救之活乃棄職相隨欲得金瘡方後知有長生術

負笈從遊勤苦歷年受太陽神丹經入山合藥不樂上升服半劑為地仙所

居三年輒易地人不知也神仙  
傳

陰長生新野人漢皇后親屬不好榮貴聞馬鳴生得度世之道求為執奴僕

役歷十餘年不懈共事者皆去長生執禮彌肅鳴生曰子真能得道矣乃入

青城山煮黃土為金立壇西向授以太清神丹經長生歸丹成服半劑即昇

天作黃金十數萬斤惠天下貧乏一門壽而不老在民間三百餘年後於平

都山上昇神仙  
傳

張陵沛國人本太學生博通五經晚學長生術得黃帝九鼎丹法家貧製藥

不就聞蜀人純厚易化且多名山與子弟入蜀住鳴鶴山隋書青城縣有鳴鶴山著道書二

十四篇精思鍊志忽天人下降授以正一明威之道能治病使諸弟子領人

修復道路不修者使疾病百姓斬草除溷無所不為又欲以廉恥治人使有

疾病者自疏所犯罪投水中與神盟約不得復犯於是百姓皆改為善陵嘗

云九鼎大要惟傳王長後有人東來得之果有趙昇至陵七試乃授丹經與

昇皆白日冲舉太平廣記又道陵為三天法師統御六虛數待金闕太上之股肱中

記凡從受道者出五斗米陵死子衡行其道衡死子魯復行之魏志張魯傳陵妻孫

夫人亦於彭州縣平化上昇化有登真洞與青城通女仙傳

上清峯僧無名雅州蒙山有五頂中頂曰上清峯相傳漢時有僧病冷且久

遇一老父謂之曰蒙之中頂茶常以春分先後俟雷發時併力採摘獲一兩

以本處水煎服即能祛宿疾二兩當限前無病三兩換骨四兩即為地仙矣

### 灌縣志

#### 卷十二 人士傳下

十八

僧如言至中頂築室以俟獲一兩餘服之病瘥時到城市人見容貌常二十

餘鬢髮綠色後入青城山訪道不知所終茶譜

李阿蜀人傳世見之不老常乞於我都市所得復散貧者夜去朝還莫知所

止或往問事無所言但占顏色欣戚即知吉凶若含笑則有大慶微歎則有

深憂有古強者常親事之隨阿還乃在青城山中其異不一而足強年十八

見阿年五十許強八十餘阿猶如昔後言崑崙山召當去遂不還神仙傳右漢十人

徐庶長社人初從劉備曹操獲其母乃從操然不為設一謀也相傳有人入

青城山見老人跨白鶴曰三國徐庶也彭幼朝傳此與費經虞所言同但終南青

城異地耳光緒灌縣志

陳勛字孝舉蜀州人博學洽聞時魏遣鄧艾寇蜀劉禪降勛入青城山師谷

元子宋徽宗政和二年封正特真人列仙通紀右季漢二人

嵩山叟晉時人山北有大穴莫測其深淺百姓每歲遊觀其上叟誤墮穴中同輩冀其傷不死投食於穴墮者得而食之巡穴行十許日忽開曠有屋一區中有人對棋局下有盆貯飲墮者告以飢渴棋者與之飲氣力十倍棋者曰汝欲留此否曰不願乃教之從此西行數十步有大井多怪異慎勿畏之必投身井中蛟龍見叟輒避路井有物如青泥而香美食之不飢半年乃出蜀青城山歸問張華華曰此仙館大夫也所飲者玉漿所食者龍穴石髓子其得仙者乎遂尋洞往不知所之仙傳拾遺右晉一人

雞骨禪師西魏時來青城惟嗜食雞將示寂滅所食雞自其口出飛鳴而去有一雞墮地缺股師知侍者竊食叱令吐以此續之雞復全體飛躍今有塔在香積寺號雞骨禪師塔輿地紀勝右西魏一人

道先康居國人入蜀達梓州牛頭山植僧說法深有感悞至灌口竹林寺披

灌縣志

卷十一 人士傳下

十九

雍清修謝絕塵事

法苑珠林

寺即今上竹林也

灌記

李珏蜀人隋趙昱師也得唐房公丹道改名棲真號太虛詣武夷山潛修歸

經龍虎山時旱禱弗應先夕雪壇有夢真人者次日珏至夢者指之衆請禱

兩應時滂沛後至真州玉虛觀以道授張紫瓊曰丹宜潛修道宜授人尋歸

青城山八月十五日上昇唐明皇時封祐應寶慈先生

明統志神仙傳龍城錄

釋智誥字惠成益州成都人開皇初入都蜀王秀奏請還蜀住法聚寺尋辭

入龍居山秀復延請辭疾不出武德元年終

續高僧傳

信相褚氏女也開皇中青城縣黑水谿人麻衣竹笄善說法居靈泉北山會

歲飢以龍頭小鼎爲粥食人日飫千萬不盈不竭衆異之死之日火化異香

滿谷舍利精瑩藏於塔後塔圯唐大中間白敏中節度劍南命石潤禪師訪

塔舊石刻其遺像設祠焉歲旱禱雨輒應

光緒灌縣志右隋四人

玉真公主睿宗女與金仙公主皆隸道入蜀居天倉山其後羽化葬於山側  
明皇幸蜀開冢視之僅存冠履今儲福觀有銅鑄明皇及公主像輿地紀勝

王仙柯住青城翠圍山得道仙去蜀僧中寤遇於龍池山曰聞仙名已久胡  
爲在此柯曰吾昔得靈藥止能飛步今全家隱於後山更修道法一統志又柯

字野山青城人母丁氏夢大星照身而生幼穎異長仁慈好施遇至人授丹  
訣鼎忽破丹化爲金後遇道士奉事三年嘉其誠授以秘訣丹成服之儀鳳

三年五月上昇

乾隆灌縣志

李笈濟南人寓臨安詣淨雲寺見青衣道人邀同食筍味甚美道人忽不見  
笈覺身輕神逸行步如飛不復飲食後隱青城山乘雲去廣輿記

羅公遠彭州九隴人常往來青城羅川間開元中遊鄂州因見守江龍刺史  
欲試其術公遠請俟之及期龍果見江心刺史以聞玄宗召見奏對稱旨嘗

## 灌縣志

卷十一 人士傳下

二十一

使與葉法善金剛二藏試法輒勝尤善隱形上欲傳其術笈曰陛下玉書金  
簡已格九清豈可以四海之尊輕信小術若盡臣術必懷璽入民間困於魚  
服上怒斬之有使自蜀還公遠謂曰吾晉成帝咸和間入蜀棲修聞天子好  
道而來以人間臟腑輩血充積三田未虛六氣未潔請以十年而授何遽殺  
我然得道之入豈世俗兵刃能害因出書令達上并贈蜀當歸明皇幸蜀公  
遠迎於劍門至成都拂衣去世傳於蜀九仙臺上昇彭漢人猶祀之乾隆灌縣志

葉法善字道濟松陽縣人年七歲溺於江中三年復還父母問其故曰青童  
引我朝太上飲以雲漿故少留耳後遊括蒼白馬崖室遇神人告以本太極  
紫微左仙卿以校錄不勤謫於人世宜速立功濟人佐國當復舊任以正一  
三五法令相授法善於是以救人爲志於四海六合名山洞天咸所周歷嘗  
師青城山趙元陽受遁甲玄宗之世尊爲天師異跡甚多化時年百有七歲

所居院異香馥郁仙樂繽紛有青煙真上燭天竟日方滅仙傳拾遺  
李聿唐宗室也授欽州刺史嘗詣青城山太乙洞請符以救其室遂棄官依

羅公遠學道

列仙通紀

徐佐卿青城道士也天寶十三載重陽日上獵沙苑雲間有孤鶴廻翔親御  
弧矢中之鶴帶箭徐墜將及地歛然矯翰西南逝良久乃滅益州明月觀距  
郭十里佐卿歲必數至一日自外入曰吾行山中爲飛矢所加已無恙矣然  
此箭非人間有留之以付箭主慎勿失乃題壁誌歲月而去時天寶十三載  
九月九日也及幸蜀偶遊觀中覩挂箭命侍臣取翫之蓋御箭也上大奇之  
自是亦無復逢佐卿者薛用弱集異記  
馮大亮導江人家貧好道每方士過門必流連延接惟一牛拽磨自給忽牛  
死與妻對泣曰何以資口食乎慈母山道士每過家卽憩累日時適來以告

## 灌縣志

卷十一 人士傳下 二十一

道士曰皮角在乎卽取皮纒綴如牛形以繩縛口曰此牛不飲食慎勿解其  
口力倍於常數年盛暑牛喘急牧童解其口遂成皮角然其家已漸富改置  
酒肆仍好客有樵叟常詣飲酒禮接之不言錢一日叟偕八人至袖中各出  
柗木一枝栽於庭便飲盡歡去曰此枝大徑尺則家財百萬此時可貢天子  
垂名國史十年後會於岷嶺巨人宮當授以飛仙之道旬日而樹已凌空其  
家富甚玄宗幸蜀大亮助錢三十萬以資國用仙傳拾遺

馬祖法名道一唐德宗時人受佛家真印說法灌南承天寺學釋氏者仰爲

大宗

乾隆灌縣志

指月錄云禪師什邡人姓馬氏出家本邑羅漢寺受戒於渝州圓

律師開元中習定南嶽遇六祖第一世法嗣懷讓和尚發明大事同參六人  
密授心印始居建陽仙迹嶺尋遷臨川次至南康龔公山大厯中連帥路嗣  
恭請師開法學者雲集與百丈南泉龐居士等說法機鋒四出智慧無礙大

開迷悟爲六祖下二世法嗣貞元四年入滅於石門山元和中追諡大寂  
禪師馬祖寺即其道場也灌記按寺非馬祖道場乃其弟子說法處見徐涵馬  
祖寺記

阿世多尊者天竺人唐時入中國止灌口靈巖山常令白牛下山募糧取水

神異莫測今靈寶泉側有石刻像存

乾隆灌縣志

神照姓張氏蜀州青城人出蜀入洛講論玄言多所開悟以開成三年二月  
示寂於奉國寺禪院白居易有東都奉國寺禪德大照公塔記蓋嘗與居易  
遊廬山東西二林及大林諸勝爲方外交也灌記

薛昌幽薊人天寶間道士也棲青城洞天觀得商陸酒飲之耳鼻流血死經  
三日而蘇數日外洞見遠近雖山林崖巘不隔視聽玄宗好道節度使延至  
賓館欲送京師忽失所在或見之大面山列仙通紀

## 灌縣志

卷十一 人士傳下 二十二

楊通幽本名什伍廣漢什邡人能術數玄宗幸蜀悼念貴妃或云什伍可致  
召令行數奏云東海蓬萊頂有上元女太真者卽貴妃也謂聖上後一紀當  
見願重聖體無復念取所賜金釵鈿盒及玉龜子爲信什伍以進賜名通幽  
問所受云臣師乃青城真人居數載登後城山葺靜室於其頂一旦與羣真  
俱去仙傳拾遺

劉無名成都人蜀先主後也幼好道入青城山北崖洞遇青城真人授以丹  
訣還霧中山築室修煉開成二年猶駐蜀嘗自述無名傳以示人後入青城

不知所終

列仙通紀

灰袋蜀道士翟乾祐弟子也素伴狂翟每戒徒衆勿欺之謂此人吾不及嘗  
大雪中衣布褐入青城山暮投蘭若求宿僧曰貧僧一衲而已天寒如此恐  
不能相活道士言一床足矣夜半雪深風起僧慮其死就視之去床數尺氣

蒸如鑪流汗袒寢僧知其異人未明不辭而去每住村落不逾信宿會病口瘡狀欲死人爲設道場齋散忽起謂衆曰試窺吾口中何物乃張口如箕五臟悉露衆驚異作禮問之惟曰此足惡此足惡後不知所終西陽雜俎

崔偉唐進士嘗遊青城山乘驢逸追二十餘里至一洞驢復走入崔困遂寢及曉覺洞中微明入之十餘里出洞門望見巖壑悉非人世被甲者見崔呵問崔曰塵俗賤士願謁仙翁守吏趨報良久召見一人居玉殿披羽衣髮鬢皓素延生與語甚悅曰某惟一女願事君子崔拜謝居歲餘請暫回家翁與一符云可隱形到京便入大內竊錦以玩上召羅公遠作法捉之旋得釋立宗令衛士送至洞口復見仙翁以杖畫成深澗召崔妻至擲領巾作五色橋崔登之隨步卽滅惟聞鸞鳳笙歌之音而已節錄逸史

薛幽棲蒲州人開元中進士及第弱冠調陵縣尉棄官出入青城峨眉間後

## 灌縣志

卷十二 人士傳下 二十二

遊南嶽得道

列仙通紀

白玄鑑成都人唐玄宗幸蜀時爲威儀道士住上皇觀志在絕俗逍遙遐舉周覽山川訪前賢高蹈之躅得餘杭天柱觀止焉元和十二年解化於天柱

山大滌洞東北

洞霄圖志

張殖導江人大曆中崔寧鎮蜀有密奏發已三日忽於文籍中見所奏淨本猶在所封乃表草耳憂惶不已召殖語故殖曰無憂炷香一鑪以淨本置香煙上忽飛去食頃得所封表墜於前使還問之不覺也進時印署如故崔異之問受道之由云某師姜元辨至德中於九龍觀得殘紙書是太上役使六丁法乃選深山依法作壇持咒九日有天女繡衣冠劍立聽所請求無不立應後大曆十二年殖隨師隱去不復見仙傳拾遺

李浩字太素隱青城山牡丹坪與仙人爾朱先生遊作大還丹詩百首行世

或傳舉家仙去見全唐詩

焦之微青城山道士也閬州人陳喻言取解不第偶會焦與語因西上十年不歸妻劉氏經州陳狀忽有吏齎書至劉氏開讀之乃喻言墨跡言入西京柏梁山充真武佑勝院判官具詳始末州爲上其事於朝勅賜佑聖判官祠

堂光緒灌縣志

朱道士曾遊青城山丈人觀至於龍橋見崖下有枯骨背石平坐按手膝上狀如鉤鎖附苔絡蔓色白如雪云祖父已嘗見不知年代其殆鍊形濯魄之

士乎酉陽雜俎

王老不知何代人天寶中有崔姓尉蜀卒連帥章仇兼瓊哀其妻少爲置別墅於青城山下欲娶之已爲族舅盧生所納兼瓊怒爲會邀尉妻既至其服光彩不可正視大駭尉妻歸三日卒因具狀奏聞玄宗問張果果白青城王

## 灌縣志

卷十一 人士傳下 二十四

老知之玄宗昭兼瓊訪王老衙官入山至草堂老人蟠然方隱几坐衙官宣詔致意王老曰此必多言小兒張果也隨至京師玄宗問之王老曰盧舅乃太元夫人庫子盜夫人服受罰甚重尉妻亦以服故墮無間獄矣奏訖請放歸不知所終玄怪錄

採藥氏逸其姓名青城人也顯慶中採藥山下遇一藉藥劔之根大而深漸至五六丈地忽陷自分必死忽旁穴有光入之穴漸高行數里出洞口見數十村落男女衣服不似今人食以胡麻留數日送至一城問其地乃臨海縣也經歲歸家孫已九十餘矣以其事問羅天師云是第五洞天寶仙九室之天已而復入山中不知所往列仙通紀

呂洞賓京兆人唐咸通中及第值黃巢亂移家入終南山莫測所往別號純陽子亦稱回道人飛雲山王氏道院者去蒲村鎮五里昔有道人過之留題



云攜筇來此步飛雲錢滿階綠薛勻江上同歸昔誰去不堪回首不逢人以逐句第三字倒合之則爲呂洞賓來順合之則爲來賓同回主人覺而異之已失道人所在矣彭河灌記

乘和尚居青城大面山精禪學僧問如何是相輪峯師曰直聳煙嵐際日向  
上事如何師曰入地三尺五問如何是佛法大意師曰興義門前鼕鼕鼓曰

學人不會師曰朝打三千暮打八百佛祖通紀

杜光庭長安人應九經不第有潘尊師者道術甚高光庭素遊其門僖宗幸蜀觀道門牢落思得名士主張之駕還詔潘於兩街求其可者奏曰臣觀兩街之衆道聽塗說一時之俊雖有掌教恐未合應聖旨臣於科場中識九經杜光庭其人性簡氣清量寬識遠困於風塵思脫履名教久矣以臣思之非光庭不可僖宗召問大悅遂令披戴賜紫衣號曰廣成先生馳驛遣之王建

### 灌縣志

卷十一 人士傳下 一二十五

據蜀待之愈厚號爲天師嘗以道德經註者雖多皆未能演暢其旨因註廣成儀八十卷識者多之五代史補又蜀檮杌云光庭字賓聖京兆杜陵人寓居處

州方干稱爲宗廟中寶玉大圭與鄭雲叟應百篇舉不中入天台爲道士僖宗召見賜紫衣出入禁中乞遊成都隱青城白雲溪王建以爲傳真天師崇真館大學士十國春秋本傳云光庭縉雲人事蜀爲金紫光祿大夫解官居青城山號登瀛子續博物志又謂避亂入蜀稱廣德先生其說互有同異要以史爲正光庭素能詩唐末蜀之詩人有其名焉丹鉛錄光庭善書多煙霞氣

味非世俗所能到宜和書譜而箸述尤富云詳崇文總目

蜀道士不知何許人也嘗詣紫極宮謁杜光庭朝夕惟唱感庭秋詞一夕列筵二青衣童侍立光庭款戶乃令二童收拾筵具摺疊之隨手而小將二童合爲一處可寸許納冠中啓戶已不見矣乾隆灌志 右 唐二十八人

李若冲青城道士也廣政初蜀後主與妃張太華遊青城山宿九天丈人觀月餘不返雷雨晝晦太華被震死瘞觀前數年後若冲薄暮忽見女子吟詩若所有怨叱問之女子言陪駕遊此而隕乞超拔若冲乃於中元節修長生金簡以答之未幾夢太華來謝曰妾已受生人世矣以黃土留詩壁間而去後主聞之厚賚若冲

太平廣記

馬和尙青城山僧宴坐三十年道德甚高巫山高唐觀道士黃萬戶善白虎七變術常持一鐵鞭療疾不以財物介懷將卒謂人曰青城馬和尙來迎我

遂長逝是年馬師亦遷化

北夢瑣言

彭曉字秀川號真一子永康人昌利化鶴山道士也孟蜀授朝散郎守尙書祠部員外郎嘗註參同契復約其義爲明鏡圖列八環而符動靜明二象以定陰陽爲訣二篇

見全唐詩

又曉本姓程孟蜀時明經登第遇異人得丹訣注陰

## 灌縣志

卷十一 人士傳下 二十六

符經金鑰匙真一訣篆符以施病者號鐵扇符能長嘯爲鸞鳳音飛鳥聞而皆至孟昶召問長生術對曰以仁義治國名如堯舜萬古不死長生之道也廣政十七年卒顏色如生後有人見之青城山

蜀檮

僧某者王蜀時住成都大慈寺常念法華經因微有所苦入青城大面山採藥沿溪越險忽雲霧四起不知所適有頃見一翁僧揖之敘寒暑問何以至此僧以采藥對翁曰村舍不遠略迂神足得否僧曰迷方失路願隨居士少頃雲散見一宅宇陰森既近翁入僧隨之觀事皆非凡調問齋否曰未食饋以齋饌皆大慈寺前食物所焚香覺非常鬱勃請念所業經徹部既畢青衣負竹器以香草薦之翁施錢五貫爲僧市胡餅之費合掌送出問左右云此孫思邈先生也到寺月餘矣其僧携錢返寺則皆黃金貨泉也王氏聞之收金錢別給僧錢五百貫其神異如此

獨異記 高僧傳三集

張霄遠眉山人五代時遊青城山得道嘗寓邛之崇真觀以竹弓鐵彈打空中或問之曰打天上孤辰寡宿耳以符籙救病苦人多奉之一日書符於壁如四目老翁壯遂隱不見花蕊夫人入宋宮懸孟昶挾彈圖於壁太祖問之託云張仙祀之宜子即霄遠也蘇老泉禱之而生軾轍故集中有張仙贊

蘇老

泉集蜀故

譚峭字景升國子司業譚洙子好道術辭父遠遊師嵩山道士辟穀養氣後居南岳鍊丹成能隱化南唐保大中賜號金門羽客宋齊邱利其化書虐峭以酒醉而縫以革囊投諸深淵有漁人剖之峭斲睡正濃呼而問之曰宋齊邱奪我化書沈我於淵吾睡囊中得大休息後入青城山仙去

廬山記十國春秋注

張涉黔南釣者也孟蜀度支員外郎何昭翰黔遊南見之涉曰子非何判官乎交子久何遽忘耶子官終青城令我往待子同歸山中後何官青城涉亦

## 灌縣志

卷十二 人士傳下 二十七

嘗往來俄賊起與何相携入山何骨肉在城賊入縣言殺令齎食之賊首之子號小將軍者忽不見視令首即其首也自是互相殘害莫知令所終後有人見何與張同行山中何寄語妻子曰吾不死且自爲生計毋相憶也

野人閒話

申天師唐玄宗裔也修道青城山有奇驗廣政末後主耽情苑囿進紅梔子三粒其花六出而紅香氣襲人後主喜之令圖於扇詔賜米帛隨手散盡後不知所之著有怡神論若干卷服氣要訣一卷

十國春秋

劉雲青城山道士也孟蜀度支判官文谷嘗詣中書舍人劉光祚適雲與雲昇宮客沈默繼至光祚出桃核盃闊尺餘文采爛然蓋蟠桃實也言少時遊華嶽道士授之雲出一白石有紋如畫乃二童持節引仙人眉目毛髮衣履冠帔皆具云得自麻姑洞默亦出片石隱露蟠龍鱗爪皆備云得自巫峽山

間

野人閒話五代九人

右

程君友遂州小溪縣村民性仁慈開寶元年雲頂山遇道士引一黑狗令與攜拄杖藥囊至青城初入小徑行數里有觀宇依山臨水松桂清寂致所負階上道士取丹一粒令吞之曰若饑渴可嚼柏葉實君友懇留道士曰且歸止一室精思妙道九月八日當迎爾方拜謝狗吠因出所遇已失詢之乃青天洞天觀路歸卽如教屆時雲霞五色君友躡空行妻孥涕泗追望而沒官吏以爲妖囚其家人擾及鄉里衆禱之忽君友在衙請見通判張蔚將加責辱問何以免曰新主將立何患不免俄太宗登極衆方悟太平興國元年三月復上昇州以事聞獄吏張漢璆睹之因棄家遊名山茅亭客話王客失其名常携笻挈藍引一斑犬往來邛犍間以采藥爲事歷年形貌服飾未嘗更易人問修養之道默不對天禧戊午春自言游青城山回時邛宰師仲冉頗好道召與語且曰飲酒否對曰某有少藥君能服之某亦飲酒師

## 灌縣志

卷十二 人士傳下 二十八

受藥餌之身覺輕安旋辭去一日將晚坐於國寧寺門下夜中卒鄉耆權瘞以聞師遣吏往焚之發其尸顏如生輕軟若熟寐俄身下清泉涌出遂沐浴之鄉村聚觀競以衣斂師曰吾聞仙人不死此其解化乎輟俸瘞之旌異人也茅亭客話

李玟字廷儀其先波斯人隨僖宗入蜀兄珣有詩名與賓貢玟溫雅有節行善奕好攝生以爐鼎破家嘗得爾朱先生與青城南六郎書論淮南三鍊秋石法每焚香熏之有桃核盃紋彩爛然晚年未而服之雍熙初遊青城山於六時崖下得一石如雁卵色黑而潤後誤墮地碎中空焉四周刻龍鸞雲草之形文理纖妙殆非人工或謂神仙所玩之物云茅亭客話

皇甫士安青城山道士也撰養生丹訣一卷

文獻通考

劉長官名蟾涉獵史傳好言神仙事於孟蜀時攝成州主簿開寶中結茅鬼

城山種蔬植果將終焉時入青城縣貨藥市米歸人稍知之或云有黃白術一日有三人投宿談頗契夜闌客曰知長官有黃白術可言之長官堅拒客祈不已乃辭以師授有時客作色曰某等非君子如不得必加害因出短刃長官懼併法與殘藥奉之三人拱揖去長官乃挈妻下山不復往

茅亭客話

古藏用台州人咸平中隱居青城山爲道士飲一石無醉意大中祥符間召見乞歸青城御賜詩以寵之

輿地紀勝

張隨皇祐中居青城山註魏伯陽書列數十圖於後晁公武嘗稱之

文獻通考

王桃枝不知何許人侍中王處回嘗於私第延接布衣之士有造訪者於竹葉上大書道士王桃枝奏謁處回從容置酒觀其言論清風颯然甚仰之因曰弟子有志清閒思於青城山下置小道院以居道士曰未也喚山童取劍細點階前土取囊中花子種之令覆以盆逡巡花已生矣漸隨日長大五尺

### 灌縣志

#### 卷十二 人士傳下 二十九

以來層層有花道士曰聊以寓目適性此仙人旌節花也珍重護愛旋出門失所之後處回果除二節鎮

野人閒話

仇宗正青城道士師郫縣崇道觀道士姚若谷宋眞宗治平元年若谷與宗正及弟子鄧自和列言於府謂釋氏書徧州縣而道家所錄獨散落不完願得京師本以足其傳府以狀聞有詔卽建隆觀給官本凡得五百帙四千五百卷溢於唐者又千九百二十二卷若谷宗正自和且將益其書爲五部於崇道觀外藏成都天慶觀青城山丈人觀梓州洞靈觀綿州洪德觀其志願不偉歟

崇道觀道藏記

張中元河北霸州人入青城大面山中峯紫柏嶺結茅獨居

列仙通紀

抱龍貧士者不知其姓名白沙有泰山廟每歲三月朔衆往祭之一人鶉衣百結形容憔悴爲衆所輕行次江際衆憩樹陰貧士亦坐石上逡巡言曰此

中有睡龍一隻日得見乎貧士解衣入水抱龍出兩目深閉雲霧旋合風起水湧衆驚走貧士沈龍水底自取衣行衆方慚謝忽不見

野人聞話

有扣石者自蜀青城來衡州尋羊角山石鄉人指示之其人即扣之云青城山有書到此石開納復合

堅瓠集

挂笠道人者赴青城二月望道會會例以巨室唐氏張氏輪主之衆集則閉門罷會方啓道士叩門闍者止之乃下茶肆脫笠挂壁間曰爲我視此旋當復來少頃笠旋如輪驚報觀中下有詩云偶隨青帝下蓬萊劍戟崢嶸遍九

垓綠履黃冠俱不識爲留一笠不沉埋衆相視悔恨

夷堅丙志

王文正青城山道士號明真大師宋咸平中嘗主青城山觀詔加崇飾文正勤力任事人咸歸仰後爲益州天慶觀道正建五岳真君殿更欲造潛山司命廬岳使者以居左右缺廬岳模範不就道士李茂皋適自廬山來出示所

## 灌縣志

卷十二 人士傳下 三十

携圖功遂成人咸謂其至誠冥契云

五岳真君殿記

尹天民客青城儲福宮一日大罵所與往來道士即閉門睡道士明且相率謝之而門不啓壞壁視之危坐死矣方相與驚歎俄失所在

渭南文集

畢藏用年九十餘不知所修之道自言本天台山道士入川儒服三十餘年備歷蜀中名勝一日與工人趙處琪携一鐵鏡訪休復於茅亭相示鏡可重一斤徑八寸鼻大而圓繞鼻有四象八卦外有大篆二十四字背面皆碧色遇望夜光明逾常畢於景德中携鏡至闕下值上封泰山從觀大禮召見稱旨遂與披挂賜紫號通真大師封香令於青城山焚修御詩送行聞其鐵鏡已在貴人處矣

茅亭客話

虛靖天師者張道陵裔也入蜀至青城山山有大谿洞乃道陵伐滅魔鬼之所餘黨出入洞中或爲民害或求血食國封顯濟廟香火畢集虛靖攜弟子

同進魔欲復仇頃見有鐵甲神當其鋒廟成灰燼醜類皆死神捉魔王至虛靖前聽法旨命斬於青華觀左血滴處石爲之透至今山石猶丹鐵甲神即溫太保瓊也

列仙通紀常道觀有虛靖天師記勒石龕前

陳花子者居青城山嘗翦紙花於市賣以沽酒與陳搏往來山中人多見之

列仙通紀

王朴字元素居臨安金岫山初蜀之青城有方士五人結侶東南游至浙右中一人曰吾塵緣未斷當爲人子三紀揖衆別去莫知所之朴父球以積善聞朴生時母潘夢有偉丈夫跨白鹿入門驚寤遂生朴在襁褓時人以葷茹啖之輒搖手作揮去狀既長丰神峻整未嘗學詩而觸景吟詠不凡苦不願娶父母強之乃從命既得子而婦喪長嘯曰吾責已塞况有三弟可與父母別矣遂棄家結茅大滌山與隱士陸永仲鄰講求修鍊之術有間則更倡迭

## 灌縣志

卷十一 人士傳下 三十一

和見者咸謂興寄飄飄真不食煙火語未幾沐浴跌坐而化年果三十六瘞於石室之麓有一白鹿呦呦循行冢上忽不見其徒私諡之曰元素先生贊曰青城故人長揖別去積善之家夢已驚寤既償夙因復還所估結交石室究竟龍虎三十六年如旦斯暮呦呦白鹿空繞獨墓

洞霄圖志

莫月鼎名起炎吳興人有道術宋寶祐間紹興早迎師禱雨雨大澍至元戊子世祖徵至上京祈雪驗輒止曰天氣和萬彙順暢不宜抑也帝悅賜上尊酒命典其教初師禮青城山丈人觀道士徐無極後聞建昌邵鐵壁得王侍宸道妙卽往備僮役邵病革欲遣師師以實告特授張星一符訣行之四十年其應如響

梧溪集

澄遠法師青城香林院僧也依雲門十八年爲侍者一日有悟欲辭去雲門日光含萬象一句作麼生道師擬議令更住三年一日有問美味醍醐爲甚

際變成毒藥師曰導江紙貴此類甚多將示寂辭知府宋璫曰老僧行脚去璫曰狂僧八十歲行脚那裏師曰大善知識去住自由歸謂衆曰老僧四十年方打成一片言訖而逝

彭洵灌記

薩守堅不知何許人幼好道術青城遇王侍宸授以致雷電役鬼神之法禱祈効治無弗驗後入閩過神龜岡乃知侍宸名文卿號冲和子宋徽宗時曾拜太素大夫賜號冲虛通妙先生侍宸亦其官號乃數十年前人蓋仙去云

虞道園全集

寇子隆青城山道士也山有麻姑洞傳爲姑修真處子隆欲往謁途中遇村婦曰姑今日不在取蘿蔔授之使食自是神清氣爽壽逾百壽孝宗隆興中

羽化

列仙通紀

周野雲潼川人也以琴遇知當路淳祐間謁余制置玠於蜀偶遊某寺林間

## 灌縣志

卷十二 人士傳下 三十二

聞笑聲則數童子席地而奕野雲指之但領而已意頗不平第蹲觀之須臾尊俎至互相酬酢因問諸郎君何處童子不答旁若無人野雲怒起一童子酌之一令取果並不顧一日彼安能忘情堤上金絲也一日此人心事亦好但易怒耳又一日二十年後須當憶我野雲歸以語僧僧曰是仙童也乃大恨無緣既而某太守妻以女名垂楊始悟堤上金絲語後追憶仙童致力立門遊青城山亦傳其得道而去

乾隆灌縣志

右

香山澄照大師居青城多慧悟僧問諸佛有難向燄裏藏身僧有難向什麼處藏身師曰水精甕裏著波斯問如何是初肯師曰大半人不見

佛祖通紀

汪集虛字守大廣信人幼學道龍虎山西遊青城十年修漢天師張氏正一法持戒甚嚴蜀大旱祈禱無應吏民要集虛以其法立致兩大水又要之雨立止歲以不害凡疫癘鬼怪之擾民者集虛治之皆帖息如常成都守築宮



居之上其事賜名正一宮時延祐三年也

虞道園全集

靈巖和尚居灌州僧問如何是道中寶師曰地傾東南天高西北曰學人不

佛祖通紀

會師曰解孽當胸箭因何只半人為從途路曉所以不全身

羅漢和尚澄遠禪師法嗣也僧問如何是佛法大意師曰井中紅燄日裏浮

佛祖通紀

元四

繡枕導江人明初以處子修證圓寂真身存灌東淨土寺俗稱繡枕觀音

四川

通志

赤脚姓金氏亳州人自秦隴來蜀絕火食不襪履至灌治靈巖寺路遇虎叱

之虎即去遠四川通志又張三丰徧遊名山冬春不履亦號赤脚甘肅通志

### 灌縣志

#### 卷十二 人士傳下 三十三

宗風南京人萬曆間至灌不知文字晝夜惟念彌陀久忽穎悟開口成詩為

士人所重募修黃龍岡鐵香爐二處梵宇工訖募柴語衆曰我某日即去矣

乾隆灌縣志

至期上柴樓端坐令衆舉火烈燄及身猶說偈數十言而逝

鑑隨未詳何處人靜修太安寺熊耳山白雲洞中崇禎間得道能前知凡來

謁者叩以吉凶禍福輒應蜀王聞而訪之乃移避深山嘗諭僧徒數年後蜀

乾隆

大亂在劫者莫能逃吾將逝矣不數日圓寂年百有餘後果有獻賊之禍

灌縣志

南楚村濠興人求道入青城山訪僧衡岳不親名宦惟務玄虛

光緒灌縣志右明四人

化緣姓雷氏大足縣人幼孤流徙至青城山下童老家日出採薪負以易粟

一日天大雪陷絕壑中凍餒甚忽有白髮老人引之起至大樹下少憩又有

紫衣老人來劇黃精餌之漸覺不饑共指樹謂之曰此汝前生脫化處也化

緣不信出小枕使枕之而悟因呼曰樵陽子自是終日跣跣大樹下有樵者見其形如枯木大異之聞於灌令徒步登嶺至其處具問所由令欲伐樹忽樹中聲震霹靂劃然洞開見遺蛻頂鐵冠髮覆額旁有石匣匣中朱書古篆不可識令禮拜而還遂製龕以奉遺蛻築菴居樵陽子邑人敬事之有問多不答領首指心而已譚中丞秉鉞四川爲建大通觀於青城山下李調元新搜神記疤和尚姓張氏獻賊從子也賊敗張削髮遁於灌縣之三十六峯面有火藥燒痕號疤和尚問其名終不答康熙間尙在嘗云獻忠初無殺人意至湖廣與同輩夜盜武當山大廟金頂神叱曰若非上帝放汝收生定打殺汝以此自負爲奉天殺人彭遵泗蜀碧龍泉和尚天台人行脚來灌駐錫西山慶雲菴談禍福多中能召虎豹喜與鄉人飲謂結歡喜緣一日飲菴中將暮父老聞室中舐榻聲問之笑曰欲見

## 灌縣志

卷十一 人士傳下 三十四

乎但無畏以塵揮之有二虎自室出目睜睜如巨星舉座股票叱之逸去自是無敢赴飲者忽一日招諸父老作別又各造謝如遠行狀歸入丈室跣跣

而逝

光緒灌縣志

顧阿瑛玉堂山主人也康熙間蔡太史時恬同友訪之綠鬢朱顏不食不飲談笑異常道元末明初事甚悉人謂已成地仙先是蔡與漢陽太守王某善王年九十餘能御空行故引焉隨園詩話

呂磨頭邑道士道光間人髮如亂絲疊一毳繫腰際時攜大木魚往來導江村市談禍福輒中有齋之者盡一席猶未足嘗跌坐伏龍寺數日不食無飢容自云與鐵瓢道士同躋大峨歷青城諸峯近遊此地攜鐵杖挂大鐵瓢重三十斤者是也後採藥青城不知所終光緒灌縣志

黃若谷青城丈人觀道士也風骨清峻戒行嚴潔常以符水治疾得錢卽施

貧乏呂純陽自稱賓法師來謁留月餘所作符篆往往吹起爲龍蛇雲霧氣治鬼必見其形通人言語又善畫但含墨水噴紙上卽成山水花木禽獸人物狀略加拂拭而已傳畫輒市酒與若谷飲若谷雖豪每爲所困一日問賓曰先生操行異常還可語吾道否曰子左足北斗七星缺其一奚能成道更一生可也若谷驚曰賓公殆聖人矣蓋其足下有黑子六人未嘗知也復問壽幾何乃倒書九十四字於壁作兩圓相圍之因別去始悟圓相爲呂姓而賓其字也後若谷四十九歲卒果符倒書之數

新采

陳清覺字寒松湖北武昌人明萬曆中以進士入庶常除東宮侍講既而知功名富貴無益於身心遂棄官入武當從詹公大林講求養生術康熙二十六年遊蜀至青城以此地神仙都會於坐靜談玄之餘兼理廟事煥然改觀即交張清湖董其事別結茅於成都青羊寺養靜三十四年蜀臬趙良璧知

## 灌縣志

卷十一 人士傳下 三十五

之因購業而廣其居顏曰二仙菴以聞於朝蒙召見賜丹臺碧洞額與紫陽詩今御書猶存

新采

劉陽春湖南長沙人性直樸而勤敏清乾隆初入秦中馬尾菴爲道士雲遊至蜀愛青城之勝遂居天真觀與其徒何來誠刻苦經營頓起衰廢年九十卒嗣法者追念不忘因刊其語於石奉爲圭臬云

見天真觀碑新采

陳仲遠青城道士也淹博能文校正廣成儀制數十種清乾隆間邑人患疫仲遠爲建水陸齋醮會川督巡境臨灌聞於朝勅賜南台真人別號雲峯羽客著有雅宜集

新采

賂卜尹邑人也賦性沈靜簡重清道光間入圓明宮爲道士嘗曰此青城名勝前人創之述之吾坐視其頽廢寧不爲山靈羞况所積者又將何用於是銳意經營閱二十年土木工竣煥然改觀所需皆自省衣縮食來財力未嘗

匱乏徒衆壽其事於石焉見圓明宮碑新采

李太浩於清初入青城山開闢荒蕪漸覩古蹟復創建上皇觀山地產茶土豪藉口報墾嘗侵擾之太浩訴於大府飭縣勘界事乃定雍正五年勒石觀中太浩年八十餘矣又嘗經理本洪菴並有起衰之力云見上皇觀及上元宮碑新采

朱先覺蜀之東鄉縣人少年登第爲邑令有政聲然喜談玄後辭官歸隱從青城蕭復笙游參究道經悉有所得一日正衣冠坐曰吾將逝矣即瞑目不復言時光緒丙子年也新采

劉真一不知何許人居常道觀有異術口能容拳力能扛鼎日行數百里常爲道士購物嘉渝間往來倏忽無苦狀咸豐五年冬大雪真一與諸道士宴忽歎息衆詢之則曰吾壽將終勿遽葬俟謁我者焉次日歿住持萬復證從其言已而廣西道士毛和修果來省師萬告以物故啟視則空棺耳後有人

### 灌縣志

卷十二 人士傳下 三十六

見真一居葛仙人雷神祠竟不知所終新采

余鶴田湖北咸寧人通術數善卜筮光緒初遊蘇皖名勝殆徧清末入蜀爲青城山道士與楊香圃李丹岩諸人講論頗悉玄理其亦借黃冠以遁世者

與民國九年秋八月逝新采

張居士者佚其名土人以居士呼之清道光間負鑿華像結茅於大面山之尾峯名曰小鑿華上山三十里有南天門舍身崖諸險與什邡之大鑿華相埒張嗜酒每下山趕集日暮方歸或謂有虎候其往來不憚修阻也歿葬廟前其塚皆祀神者之油罐所積名曰罐罐墳新采

朱成亮老君巖道士也相傳爲清初人年八十餘坐化玉柱下垂七日而尸不僵繼成亮者爲何先達亦有道行年九十歿室有異香人咸奇之邱元光嗣爲住持拓廟宇增產業既卒人或遇之成都青羊市言將雲遊附書與弟

子折書則云某石罅有五百金可爲培葺用覓之果不安采新

李煥章梁山人也涉獵書籍頗負才名喜風鑑善堪輿尤邃玄學清同治間

棄家隱大面山之上皇觀足不履城市有與談者其言皆宗老子以清淨爲

務采新

張拱山重慶人豐體而美鬚髯清咸豐初寓漩口川主宮一時與遊者皆知

名士以其能彈琴且善書也後住縣治城隍廟遺留字蹟頗多或曰拱山因

事逃名實拔貢生采新

鍾琢堂遂寧縣人清光緒間來居漩口白雲頂爲人知醫善書能琴而談玄

尤入妙故好事者師之執弟子禮焉采新

賈道士號鏡亭住持二王廟爲人有才幹善經營清道咸間廟不甚富自賈

當事氣象一新光緒癸未年天師張仁鼓自江西來灌嘉其勤敏授三元觀

### 灌縣志

#### 卷十二 人士傳下 三十七

贊教職采新

大朗和尚者住持上林寺有道行土人誤朗爲郎遂呼寺爲大郎廟或曰大

朗陳姓蓋明末舍宅爲寺者不能詳也采新

董洪者上元宮道士也廟衰而中興之人因名曰董洪菴俗謬爲斗篷菴非

其實也或曰是傳聞之誤未嘗有其人采新

道賢和尚彭縣武生也披剃天台山後寄跡胥家場文昌宮培葺廟宇不倦

年八十有二卒又牟和尚者善居積住持崇義鄉觀音寺置田數頃兼轄團

林海雲泉水三寺其事詳墓碣馬和尚者靈巖山僧也嗣接胥家場關帝廟

及湧山寺天童寺均殫致力廟務云采新

袁和尚法名覺仙重建香樂寺頗瘁心力其徒曰昌海能述師志益恢拓之

寺遂爲一方冠采新

羅瀾字客洲邑酆都里人畢業小學入成都師範旋遊學巴黎厭其俗靡決棄去歸至南洋爲華僑中學教師性嗜佛禮仰光塔受戒於隱西北邱返里則與佛學社諸人遊日宣佛號萬徧疾篤益厲竟以不起家人助宣之點首而逝頂煖如熾開目微笑嘗欲住持般若寺規畫已定竟先期一日卒亦異矣

僧羨純鄧姓南陽人也清順治戊戌年生常涕泣父母患之數歲卽祝髮迴龍寺及壯飛錫入川住灌東法華寺喜出遊遇峨雲和尚授衣鉢遂歸樹法幢一日晨起詣淨土寺寫經自辰至酉執筆端坐而逝因塔葬之馬廷佐爲撰銘焉其弟子曰通善保慶人也遊蜀遇羨純講經遂師事之多所領悟終亦如其師之坐化楊秦爲撰塔記新采 右清 二十一人贊曰方外多神異語或不經殆傳之者過耶雖然宇宙之大何奇不有此未

### 灌縣志

卷十一 人士傳下 三十八

可以常理論亦未可以恆情測也况如公遠之不阿道一之深造楊磨之利濟光庭之文雅固自犖犖可稱哉前志所述倍蓰於他邑豈不以江山之靈秀蔚爲神仙都會好事者從而飾之乎今備甄錄約以傳信毋寧博以傳疑蓋不敢輕於棄取也

周尙仁性慷慨好施濟乾隆四十三年捐金千兩葺修白沙大橋灌西通衢因以無阻又於金馬場附近捐修捲洞橋亦東道之要衝也乾隆灌縣志

馮正照崇寧縣人於崇義場南捐修走馬河之大石橋東南可達溫邨劉宗漢亦崇寧縣人於崇義場北捐修徐堰河之雙玉橋東北可達崇彭所需皆

千有餘金

乾隆灌縣志

王來通秦守祠道人也整飭廟規修理官路廣殖森林助施藥物歲以爲常所耗多金而已則布衣疏食繼其後者猶踵而行之乾隆灌縣志今漸替矣其實

均有碑記

段玉璽捐石修城西大道費數百金同時有朱文才者買山置義塚並施棺

木歷年不倦享年八十有六

乾隆灌縣志

趙登榮家無餘資然尚義舉募施草席惠及窮兒購置官山掩埋露骨縣令

秦宜稷嘉之榜其門曰好善樂施

乾隆灌縣志

楊遇陽字靜軒例貢生性端介言論平允鄉望素歸人有疑難恆資以解尤

好善凡祀田義塚賑饑恤災等事皆慷慨行之邑中如奎光塔安瀾橋諸盛

舉藉力尤多子茂蘭登道光壬辰鄉薦家有五世同堂之慶人謂厚德所致

云

彭洵灌記

王文超字德邁由武生援例千總儀容整肅心性和平律已甚嚴處事仁恕

凡邑中盛舉官民藉力者不可勝數而勞怨自任一錢不私尤為衆論推服

### 灌縣志

卷十二 人士傳下 三十九

彭洵灌記

徐元性和厚家僅小康而周急恆至傾囊聞有艱於婚葬者非其戚族亦必

餽助終身樂善鄉黨稱之

光緒灌縣志

陳登俊性孝友多陰德捐建普濟利涉二橋完修聚源場文武廟鄉里稱長

者縣令周因培為撰墓誌

光緒灌縣志

游芳苑性仁慈嘉慶間歲飢施米數十石以濟窮困縣令邵良表其門曰樂

善不倦子亨衢繼其志捐田二十餘畝設聚源義學又捐山地為文武廟祭

資

光緒灌縣志

高應和例貢生與潘致政各捐水田數畝作岷江書院膏火有羅映元者捐

田四十畝作文武童試卷資有羅三興者遵母宋氏訓捐田四十畝作鄉試

卷資有蒲映旭者捐銀七百兩建修試院均於文獻有裨焉

光緒灌縣志

牟國洪石羊場人捐錢三千數百緡創修臨江書院陳登瀛捐錢二百緡增建書院外舍康福順劉兆祥各捐田一區作臨江外館經費同時有傅宗圖者奉父秉經遺訓捐田五十餘畝創建味江書院其族相楷則捐田八畝錢七百緡備作膏火邑南文風因以丕變

光緒灌縣志

楊蘭清施青城書院地址而其外館之址則從九胡國源所施並捐山地以助嗣有艾世珍捐錢四百緡梁全玖捐碾磨各一並入書院王化龍則捐田二十畝設中興場義學李聯超捐田十二畝作玉堂場義學修金嘉惠士林着有成效

光緒灌縣志

馬國容於道光間施萬餘金石捲東門外太平橋其高可望城內洵爲巨工次有蕭仁珠姚清蘭者皆漩口場人蕭捐砌雞公罩險路又助修江西館及官培橋費逾千金姚性孝友樂施濟經修安瀾繩橋覈實無妄費復捐數百

## 灌縣志

卷十一 人士傳下 四十

金鑿平餘福道險阻縣令蔡成輅贈以守身誠樸額

光緒灌縣志

任永昭捐數百金同楊遇陽建青城大樓橋而姜榮綬尤嗜善中分其家資以半給子餘用以修橋十餘所有善人之目焉邱萬泰者亦好施與凡棺木義塚橋梁字庫皆樂爲之歲飢復減鬻價米縣令蔡成輅以好義可風額表

其門

光緒灌縣志

蕭炳南號鑑亭二品職銜江西太和人也以行商寓灌捐修文廟宮牆及櫺星門泮池等耗五千餘金仰君召者於道光初年經紀文廟事慨然墊千餘金償債輕佃以廣田租僉謂整理廟務必推仰爲首云

光緒灌縣志

唐國瑞性樂善創修晉陽石橋費錢數千緡縣令徐鼎獎以利溥津梁額子超凡能繼志施田九十餘畝作書院膏火縣令李桂林獎以誼重士林額超凡長子曰慎永崇寧諸生也循循孝友好施而急公義川督裕某獎以勤勞



聿著額其弟慎修於同治甲子年出粟振飢全活甚衆監修文廟捐千餘金以積勞歿季子述宗奉遺命復捐二千餘金始蒞事其他義舉亦多焉光緒灌縣志曾子忠捐金二千丹漆大成殿修蔭牆與節孝祠胡開助捐金六百修戟門泮池間石梯海幔仰芳楹芳榕芳宗合力捐金六百餘漆四附祠及東西樂亭劉光林捐金一千曾尙斗捐金三百同遷建崇聖祠並多義舉光林子先儒亦能承父志又有周某者捐四百金培修戟門其爲文廟計久遠者則有馬登魁捐購水碾一水田十五畝監生胡士濤捐田二十五畝王萬恬捐田三十畝而王又獨力自建宗祠云光緒灌縣志梁應舉捐修蒲陽場紫雲宮正殿並施田二十畝錢一百緡以作祭資周沛捐錢六百緡爲文昌宮葺修之助宋儒珍於中興場置義塚捐棺木馬洪錫亦歲施棺木以爲常貧者賴之光緒灌縣志

## 灌縣志

卷十一 人士傳下 四十一

周文源八角場人衆議建南山岷江永定諸橋需數千金力絀不就文源悉心襄贊卒底於成楊世倫亦捐金五百建飛龍雙鳳二橋黃鵬高捐金二百補修品一大橋時有汪大易者捐碾磨各一田十畝建蒲陽拱峨橋卒年八十有二縣令李桂林志其墓焉光緒灌縣志

李側側太平場人少赤貧足廢側走人遂因以名之日在場掃渣中年稍裕乃販米娶妻馬氏無出以二百金交保甲買山作義塚其未經葬地歲收租息爲瘞旅培修掃祭之費當事者又積贏餘二百四十緡增地以廣其義舉

光緒灌縣志

吳天章從九職銜金村人武生文超父廩生易疇祖也縣城街道泥濘天章創約土皇會集金權息購石甃路煥然改觀惟太平街未及興工遺命囑其子文才成之嗣是每年補修仍取資於土皇會皆天章力也光緒灌縣志

周丕興者先代以茶商起家由松潘遷灌西石橋溝興爲人慷慨好義清初灌以上木材充斥然斧斤入山必飄至白沙灘始能成筏木商坐困興倡議於漩口成筏沿河居民阻之縣府不能決興乃上訴大府聽其議筏始暢行其他善舉尙多鄉人頌之年八十有八無疾終

采新

張開仕字苑林清同知銜昆弟四人次居叔氏已析居而兄產覆仍購其田與之開仕以藩吏起家致素封爲人敏而好善縣南有馬家渡瀕岸板橋甚危渝人羅紹康者願捐銀五百兩建橋深感之因募集創修福星橋不足則捐銀數千兩越二年始藏事邑人爲建碑其地則郭漢章所施蓋成其美也開仕卒特於橋側尸祝之

采新

吳錫彝字嘯煙畢業四川法政學校工書畫而熱心慈善於民國六年創辦紅十字灌縣分會任理事長盡力籌措以積勞卒總會輓以蜀山同兀四字

## 灌縣志

卷十二 人士傳下 四十二

蓋惜之也會員曾慶祥者富而好義臂助實多生平尤篤於故舊云

采新

夏永平字鶴皋金馬鄉人性好善以鳴鳳橋自清乾隆時創修光緒間補葺訖無恆產難以持久因蠲水碾歲收米若干石以備不時之需諸生王之屏

爲作記

采新

王金發字寶山蒲陽鄉人性博愛好施與年十四從名醫莫懷珠游學成專以濟人爲念於貧苦者且助以藥資晚年子孫勸休養而求診者多仍弗拒也金發善治家事無巨細必躬親凡所使令或教誨輒爲韻言以榜於壁家人莫或違忤子孫凡百有八人居宅十餘所肄耕且讀翕然不稍杌隉焉年八十尙矍鑠鄉人慕之民國十二年夏四月贈以五世同堂額其妻張氏亦賢賦性寬厚與人無爭家中少長有序能務本業多資其助云

采新

楊禮義三陽鎮人武進十樹森之父樂善好施曾建雙鳳橋以濟行人所需

數千金不外募也孫曰朝勳能繼祖父志橋毀於水更甃以石費二千餘金且捐田以施棺木作義塚焉采新

戴有容楊世傑皆金馬鄉人清嘉慶初協施義塚地於正林寺側蘇氏漩口鄉人姚某妻嘉慶二十四年施山地作義塚其後姚隸典復有所施宋儒珍謝秉乾王正富劉寶興皆中興鄉人並捐義塚地而楊吳氏楊梁氏者亦各捐地畝餘焉

姚光瀚字尊三漩口鄉人以山澗暴漲不利往來於千金溝創建積金橋勇於爲善有乃祖清蘭之風又萬年政慨麻溪無橋行旅多滯因獨力設建至今稱便采新

何先德性慈而勇於爲善治西二里舊有繩橋宋初大理評事梁楚建因名評事橋明末燬於獻賊清設伏龍渡以濟水漲覆溺民病之先德與其妻某

## 灌縣志

卷十二 人士傳下 四十三

氏引以爲憂經營規畫具有端倪乃請於官飭邑紳募修繩橋嘉慶八年落成名曰安瀾以渡田歲收不足常費復募置田百餘畝爲持久計邑人思之祠於橋側尊曰何公何母云前志未載見安瀾橋碑誌及傳聞

羅義美楊秀彬蘄某者皆乾隆時人謀修白馬堰以溉田功未半而資罄乃盡所有以葺事食有利者深感之立主於社歲時祭祀不絕采新

羅安國爲人豪爽深知竹園檔苦於役首人破產者多力爲上訴得邀豁免鄉人德之爲立碑以誌采新

胡德元商人也家僅小康太平場創建青城書院元捐山地及水田以倡縣令繆延祺嘉之旌其閭時有劉輯瑞者以醫名家亦捐資以助其成采新

蔡萬章法官培基之父也以商起家嘗捐田以助文廟祀典萬安溪者邑諸生亦以田十畝捐入焉采新

賀君恩國學生清光緒戊寅年施田十畝於崇義鄉大石橋歲收穀以爲培  
葺之用裔孫存義復以其息購田八畝餘即有興作不復募捐矣采新

官澤貴清同知銜富而好義每遇凶年輒開廩平糶道光戊戌同治甲子皆  
大饑所全活甚衆歲暮必資貧者他如義學義塚橋路恆首捐以率衆卒年  
八十有四采新

吳運隆夙貧以販石炭起家而樂於爲善崇義場設大成會吳捐水碾助之  
又劉先儒者每遇荒歲輒出米以濟貧窮其他義舉亦多洵一鄉善士也采新

萬肇浦漩口鄉人鄉之石梯溝當西路要衝清乾隆末建有同善橋年久漸  
圯肇浦獨力重修里人爲豎功德碑焉

董洪開武舉占魁之父也清光緒末捐田二十六畝於學務局以資提倡卒  
年八十有五又呂襄平歿後妻何氏承其遺志施田六畝以助關岳廟祀典

## 灌縣志

卷十二 人士傳下 四十四

采新

黃永遂蒲村人創建南溪橋及筒車石堤耗多金不恤同里黃國順亦獨力  
修橋人因以黃公名之又苟洪貴創修通濟橋於蒲陽鄉約費百金劉宗泰  
於清同治時捐水田二十餘畝創立養正書院此皆有功於鄉黨者采新

仰德齋於光緒末倡建臘塌堰橋募資不足捐銀千圓工始告竣又周國洪  
性好善清同治甲子年江安河溢水災甚鉅洪捐米十六石銀一百圓以爲  
之倡募款漸多遂以修復采新

吳逸生漩口鄉人以山路崎嶇自獠澤關至鶴子山修治道路十五里用銀  
千計人皆稱之采新

宋登品中興鄉人以普濟永濟雙濟三橋無歲修費因捐銀五百兩爲持久  
計又羊懷邦者捐百金於義渡汪鑑清者施千金於橋梁皆有惠於桑梓焉

采新

李正陽金馬鄉人清道光十八年縣中饑與其子朝元發米三倉振濟貧乏縣令以一鄉善士額獎之又李開福精醫術於窮無告者並給藥資年約數

十緡采新

鄭步青性樂善以栗子橋圯耗百金恢復之又有高登聯者經修老人萬壽兩橋爲人忠實人皆信之張國霖者以監生捐納主事曾於胥家場建蒼頡廟不惜多金以爲衆倡采新

蒲文發爲人好義清道咸間邑人創修試院首致千金二子皆入庠鄭桂芳者簡陽人游青城至郭家菴見碑碣有則天年號以爲古蹟不可廢輒捐四百金以維繫之傅廷相者好施與嘗印書以訓俗又捐田爲義塚云采新楊澤字名遠曾獨力修三鱗橋耗二百餘金不募於人周鳳翔亦獨力修橋

### 灌縣志

卷十一 人士傳下 四十五

以利行旅卽以鳳翔名其橋焉采新

張賓侯性樂善邑北關外義塚有雙塔俗稱尸骨庫清光緒二十五年夏六月山水暴發冲刷四十餘塚皆無主者賓侯邀集人士於露棺者築隄防之暴骨者掘土瘞之漂沒者覓之收之入是塔以封之並勒碑紀事以告來者

采新

楊朝楷字紫垣生平樂善好施兄朝熙字煥廷廩生清華父也常與朝楷印書以警世鄉黨以善人自之助之者爲張開福至老不懈年八十有六而終

采新

廖本立字錫三漩口鄉人寓居成都以勤儉致小康而性喜施濟不忘故土於公益事皆力贊之年踰八十卒

李慧堂蒲陽鄉人也生平勇於任事見義必爲清咸豐間邑令贈以善人是

富及從善如登額其孫俊三事母孝人以爲善氣所致

新采

周廷梁者商於漩口清嘉慶間獨力捐數千金穿巖鑿石通道以利行人邑

宰徐鼎嘉之書餘福道三字鐫於巖意謂餘福於子孫也

新采右清一百二十七人

贊曰急公尚義自昔有之豈富者好行其德哉而一鄉之善士固不必皆富

人聲應氣求蓋有動於其天者也貧困如李氏子救死不贍乃能捐汗血之

金澤及枯骨則尤難能可貴嗟夫此足愧世之不義而富者矣

以上善舉

引年之典舊矣古者養老乞言視爲隆禮後世舉報大都斷自八十以上清

道光十五年詔軍民年七十以上者許一丁侍養免雜役八十九十以上者

給絹綿米肉各有差百歲以上者給銀建坊三十年詔八十以上者給九品

銜九十以上者給八品銜百歲以上者給七品銜百二十歲以上者給六品

銜自百歲至百二十歲以上仍給銀建坊咸豐十一年詔與道光十五年同

### 灌縣志

卷十二 人士傳下 四十六

其舉報自七十以上蓋曠典非常例也茲遞次之

馬智海明萬曆時人清康熙五十一年卒壽一百二十八歲唐文璽縣城人

生順治十七年至乾隆十八年壽百有四歲旌表建坊

乾隆灌縣志

費文彩筏村人駱麟趾周村人壽皆九十有五尹仕斌金村人壽八十有九

馬雲超筏村人張忠選周村人壽皆八十有五季亮彩金村人邵廷彥筏村

人壽皆八十有四李泰貴金村人壽八十有三趙奇南金村人壽八十有二

劉敕任天輔周村人壽皆八十有一羅珍陳玉聘周村人壽皆八十

乾隆灌縣志古乾

隆開舉報者十三人

黃敦貴壽百有五歲王文明壽百有二歲吳清濬壽百有一歲閻毓崑壽百

有一歲賜帑建坊謝暄壽八十有四楊賢佑壽八十有一張星耀壽九十有

二五世同堂

光緒灌縣志右乾隆開舉報者六人嘉慶初舉報者一人

田文仲何純壽皆八十有四何先德鄒全禮壽皆八十有一楊玉龍壽八十  
李星燦壽七十有八馬錦鏞馬明憲壽皆七十有五楊秀山戴文柱壽皆七

十有三

光緒灌縣志 右嘉慶十四年舉報者十人

龔世俊壽八十有八余天奇壽八十有三龔世衡壽八十有二易上經孫榮

宗龔世衛楊義仲壽皆八十有一

光緒灌縣志 古嘉慶十七年舉報者七人

唐宗盛楊成院楊世珍楊世普陳民德劉允貞壽皆九十二楊玉璽孫朝德  
壽皆九十有一羅坤鄒希高壽皆九十李仲元徐世雄雷宣耀壽皆八十有

二

光緒灌縣志 右嘉慶二十四年舉報者十三人

張開剛壽九十有一彭虞洪壽八十有六鄭啓龍諸生鄭牧高祖壽八十有  
五五世同堂雷先聲壽八十有四羅念嵩周天經劉輝廷壽皆八十有三劉  
澤寬壽八十有二曾紀甸劉田如雷學國壽皆八十有一柏金山李如璠劉

## 灌縣志

### 卷十二 人士傳下 四十七

德耀彭斌朱朝連廖權鄒貞禹壽皆八十李應試壽七十有八劉文開壽七  
十有六吳懷義壽七十有五官新榮郭萬斌壽皆七十有四雷宣朝楊景福  
壽皆七十有三楊明清李應龍鄧先翼壽皆七十有二李洪清李萬元周朝  
清孫文憲吳沛然壽皆七十有一胡在鸞壽七十

光緒灌縣志 古嘉慶二十五年舉報者三十三人

朱如燦壽九十有九王賢壽九十有六王毓秀增生壽九十有五五世同堂  
李其德壽九十有三余洪學何其德何其賢王廷學閻志洪吳春富徐安懷  
楊明金傅春連雷尙萬羅星奎徐崇義陳元典宋玉貴壽皆七十有九舒中  
一王志成吳天樞薛朝元何其泰楊廷松郭衛邦苟洪奇陳永昌胥思寅苟  
維棟余文寬宣其英壽皆七十有八劉佐玉梅廷蛟壽皆七十有七薛章柱  
張文仲唐順章劉康祿李如蕃黃先珍凌雲翔壽皆七十有六楊廣才曾廣  
湘程紹元賀廷佐賀廷柏蒲耀宗楊正鼈周人曙田澤洪張元會曾元久王

永盛吳廷應壽皆七十有五蕭良榮謝紹廷岳憲翊楊萬富劉萬洪宋天仲  
王文述劉國成劉明山周安昌楊朝鼎寇天潤壽皆七十有四王世選馬元  
品張國泰白玉鵬楊正先趙國春王維階張廷棟王澤周鄒邦澤李天濬樊  
楨元宣經烈李奇才張廷椿壽皆七十有三曹義元夏學里鍾文相涂茂林  
岳獻秀楊文廣廖志榮袁大有馬品孫光潮尙聯官戴大惠黃廷福李學寬  
何文煊王統卿石元福馬芝蓉曠萬春范義山王廷模李朝宗劉芳田正奇  
劉同然楊朝帶周化端饒大瑞田政達王永祥達正東魏繩武壽皆七十有  
二孫元山劉春秀李萬安吳先榮劉天訓唐籍楚吳學廣苟維恭馬奇祥呂  
仕祺傅萬三張文燦陳廷玉孫澤喜劉天富周冕王學朋王安邦蔡世朋舒  
廷欽周鳳翠樊有功周廷雄張先達吳居謙壽皆七十有一  
光緒灌縣志 右道光  
間舉報者一百三十八  
人

灌縣志

卷十一 人士傳下 四十八

王德彰壽九十有八宋純五世同堂張福舉武生張超祖張鳳歧胡正宗壽  
皆九十有六羅錦江陳國相馬文桐宋懷玉壽皆九十有五王應選從九玉  
池父雷福泰九品職銜與王建中王廷卓宋進寅張朝泰謝詩申謝家修康  
子俸楊枝相楊文祥壽皆九十有四袁先安陰陽學生與張元卿壽皆九十  
有三黃登明壽九十有二張書兆武生張鼎祖與徐陞洪李春萬傅瑤李咸  
陽賈如福殷文燦任治良王忠益鄒秉洪壽皆九十有一李天旭五世同堂  
宋履謙宿儒履坦弟鄒學超諸生鄒浩父五世同堂與吳運超王學經王萬  
品韓國喜楊德選吳永貴張登元壽皆九十  
光緒灌縣志 右咸同間舉報  
或采錄者九十以上四十三人  
練秀達吳萬柱郭正順壽皆八十有九鄒玉美諸生鄒浩祖李元通增生鳳  
樓祖齊萬明把總煦春祖與程有壽楊福春苟洪膏陳大受壽皆八十有八  
周長泰武生與楊萬泰任國棟陳光裕劉應鵬壽皆八十有七潘光裕諸生



姜兆熊增生吳萬德縣丞國珍父余敏慶諸生作新父田芳桷歲貢生秋園父袁世珍諸生炳堃父與鄒安禮楊輝柱吳瑄吳萬德黃開相萬澤祥賈廷承楊懷春董其璋張溥仁壽皆八十有六申于淵熊自賢闔子秀游應柱傅鵬元王身修張登福馬元鵬張文安廖永元壽皆八十有五艾廷揚監生國士父羅泰順五世同堂張崇善同知銜承恩父官澤貴苟洪榮曾朝富宋道榮陳雲海吳天位黨有昆高永義袁楷李世良徐文煥王俊拔孟際浩陳敦儒吳啓鳳楊旭盛壽皆八十有四劉明常思貢生玉瑤父王相全監生玉興父胡倫五品軍功潘光潮武生萬龍侍衛鵬皋父陳治榮廩生化圖父與汪德榮劉璞陳安富張文忠吳文才岳萬斗闔子玉王子貴戴士清楊澤孟慶元壽皆八十有三呂崙恩貢生觀陽父黃在林諸生光漢父胡安遠諸生錫章父梅開先歲貢生郭文榜增生郭璧父高崇元府學增生王延泰監生蕭

灌縣志

卷十一 人七傳下 四十九

思典諸生蕭藩父與張應超王椿黃登甲劉世友黃光字韓國禧任字貴王珩注大易張正秦廖子茂周正綱黃定邦高茂才雷廷福黎光旭楊友海田景福蘭應發王永朋蕭仁珠左贊廷劉玉嘉申于浩蘭應輔吳玉祥曾尙奎伍錦才孟興壽皆八十有二高永富訓導仕榮父胡安達諸生宗彝祖與鄭維鵬蕭祥麟梁鴻志張元洪周澤洋吳廷美舒啓文陳開宇楊鳳洲陳仕道李國容馬廷偉夏順芳周奇貴壽皆八十有一李乾中諸生田廷棟諸生楊澤監生高應泗諸生鳳梧父李文運諸生增祥父羅桂祥廩生羅恕父與劉綱興楊明舉吳廷詔董莪鳳王志仲王廷選蕭思恭楊峒春唐通漣張朝棟馬文品韓必昌王瑤左廷臣劉德輔張正應吳中榮蕭祥馥壽皆八十

光緒灌縣志

右咸同間舉報或采錄者八十以上一百五十三人

馬應山師守尊壽皆七十有九黃廷福楊輝鵬黃敦貴羅問善王玉儒壽皆

七十有八馬駒壽七十有七吳德芳吳大聶壽皆七十有六董鎮鳳楊輝崇  
宋世典廩生樹植祖壽皆七十有五徐國柱壽七十有四尹貴忠康秉章魏  
文軒壽皆七十有二樊受登周洪剛劉廷燦壽皆七十有一

以上二  
十八

光緒灌縣志 右咸同  
間舉報或采錄者七十

漩口鄉馬老佚其名海山之祖也年一百二十七歲郭老者縣治東關外人  
與盛安廷壽皆百有三歲張文元王朝重壽皆百有一歲焦觀陽羅文魁汪  
廷機夏永祿壽皆九十八歲樂崇慶壽九十有七任文明宋全坤祝承松梁  
廷玉壽皆九十六歲師文桂鍾成泰楊玉光曹萬興詹永志姚阡斗楊鍾靈  
謝永超師文芳增生壽皆九十有五高應海岳陞文馬占奎李世貞嚴萬才  
楊瑄吳朝貴楊玉光陳紹邦黨有順汪隆鑑余應超宋朝臣諸生宋樹勳祖  
父壽皆九十有四張少卿蔣宗誥嚴萬喜胡光元蔣宗明吳永富徐福興姜

### 灌縣志

卷十一 人士傳下

五十一

廷春馬洪璋宋志謨徐安會趙啟雄楊躅張少卿蔣宗誥馬澤俊高世熙武  
生楊三鱗五世同堂壽皆九十有三王朝裕監生諸生沼成父周安貴武舉  
安邦弟葛明軒宿儒馬廷俊胡天長蕭明揚孟基張承軒李文典唐志誠萬  
龍傳萬忠衛文斗唐志平王澤友張開理羅世超王鴻章謝洪謨楊朝鳳高  
家秀黃萬龍陳錦壽皆九十有二王五祥朱興順劉鳳山唐洪發程光古余  
作新諸生劉玉治董丹桂鄭正武廖義方朱谷暘梁天順周永長王三元楊  
廷邦張光治吳永富陳安玉吳易疇恩貢壽皆九十

右新采九十以  
上者九十七人

謝啓龍諸生祖安父焦廷仲朱永章張鴻圖尙啓龍宋元順田福先岑玉珩  
廖正先尙啟順苟崇述唐鴻發汪玉奎岳春泰楊三善李文泰李正倫清雲  
騎尉趙敘諸生壽皆八十有九張文德藍紹初王中興馬天儀李廷芳五世  
同堂周永長劉家楨諸生劉儀鳳監生姜玉隆宋永恭汪清龍張國陞蔣慶

春高世舉李文友朱子秀董洪順張蘋溪廩生鳳翼父五世同堂楊芝玉鄧  
必壽王世榮杜文松許永貴任炳沂袁子謙諸生李迎炳易存炳羅永用胡  
德順高廷宴王旅富潘懷玉陳耀光諸生岳重兆壽皆八十有八楊萬富傅  
相恕蔡文慶宣登洪王萬育費永興王文才田忠陞雷定安把總易平元易  
廷元唐行瑞魏朝堂余陞林壽皆八十有七劉萬輔王國琛監生陳思貴孫  
能治魏炳陽苟正乾蘭文長姜開祐殷文燦徐登華馮光煒劉熙元蕭昌龍  
薛啟朝鍾萬才車全壽羅俊裔羅永用劉大賢楊公福羅正紀羅文才楊世  
發王登第賈思誠周正龍李永紹楊映台劉德元蕭廷隆李上壽鄒國興武  
庠高家連王玖司李春壽楊朝鑑楊朝魁何代全劉鳴壽楊清平王煜戊午  
副榜壽皆八十有六傅英福胡倫從九廖永元徐步章楊耀宗秦登龍李廷  
芳五世同堂王登瀛苟學宗王宗舉李萬應張朝清王正元五世同堂楊萬

灌縣志

卷十二 人士傳下 五十一

理曹正安陳憲文徐朝海黃思容曹其太吳國珍從九劉培士諸生楊世選  
李登瀛張映崧楊國富何光德衛明貴楊巽茂諸生趙啟全楊玉春張鴻圖  
宋全發宋永長劉蔚森諸生蕭世福周世吉方新啓周尙元劉鈺元沈方田  
蘭文芳監生楊忠壽曾上斗李天儒潘全開楊正川壽皆八十有五岳嘉才  
易平元趙舍芳諸生宋德至董虞琴候補縣楊文全吳天厚鍾萬才王朝登  
孟浩澤楊益萬蕭顯友葉守先鄧正才祝文學文友義周裕超劉鳳品余天  
高王鎮基王國品楊瑾王文溥李登銀劉順遂萬玉國馬天儀周定邦武庠  
周天元郭尙選監生鄭之長楊正川王萬亨李春福鄭國中蘭映元李仁貴  
樊朝品羅正炯鍾萬才楊朝璽監生周應宗苟萬鑫田太平武舉吳中斗周  
儀玉楊作臣壽皆八十有四汪慕濤文生苟萬鰲譚明奎申以桐施文耀陳  
開德王文暢雷澤殷廷基汪松鶴林明泰李芳廷康鳳修黃正明曾廷傑羅

正紀陳德孝馬萬樹田毓蒿吳作楞萬玉元張宗九李上喜唐國鈞王萬鑫  
魏紹龍戴永仲陳天順湯世才廖洪光羅錦雲增生魏朝輔李廷舉戴萬才  
林明照胡德仁張永暉王登舉楊正芳劉基元壽皆八十有三龍世雲張永  
欽鄒德發張朝元夏文玉車全富孫懷澤余子信張九容附生鍾緒益曾家  
榮高鳳翔宿儒沈玉龍周萬元陳正恆袁太和董朝清江永吳映霓宿儒龔  
成鳳郭義福黃肇玉劉道揚高登選賂萬金陳國富榮吉澍王旅富鄭文春  
鄭萬年王晏清張朝元羅萬發焦建邦劉鼎元姜登明費永松王鴻文王正  
興蒲玉賈思春莊雲壽苟萬品孫懷澤鍾應剛韓春洪陳光貴李慶文李廷  
臣康琴修王萬捷廖樹藩皆八十有二余陞貴王思禮蔣毅張世雄何陞恆  
王大壽申于山周玉洪舒宗友謝成鳳周鴻濤諸生周玉揚李正恬千總周  
廷治謝成發彭燮華監生張慶昇施文新雷觀光諸生雷季皋父張學柱黃

灌縣志

卷十一 人士傳下 五十二

斯文楊紹震黃開江雷大元鄧正清苟萬森鄧萬銀馬繼超羅世熙祝芝林  
王朝典楊三多孟浩澤何正心萬裕國蔡開榮侯朝貴楊孔貞羅明星周之  
吳武生王先黨廖樹藩范炳章諸生王正坤尹光發黃春芳陳萬仲都永烈  
賢錫坤吳錫柳吳錫瓊汪紹岐陳文仲周觀聘吳映寬余萬鳳王星敏張元  
林陳金華鍾必蕃壽皆八十有一杜文斗趙宗翰王國欽把總馬國忠張顯  
熙陳朝斗高映祺焦建倫高映台職員高永宗楊開科華永壽宋奇文陳正  
常周文榜趙萬福林明洪袁永榜羅世彬陳經增生向仍復羅世祥楊澤萬  
朝元余尙忠黃思和黃斯文曾廷杰陳正綱向仍友李開雲王秉堃諸生車  
全富李昌隆牟國友王全發五世同堂鄭春山王昌富鍾應華幹名山樊德  
和周汝良張登俊劉銳元何開元姚貞鳳藍文福高鵬元諸生周觀偉諸生  
胡登科徐懷錦王正朝劉光祖黨占富黨恂諸生傅漣清壽皆八十

右新采八十以上者

四百一  
十人

官秉陽官秉溶曾榮慶夏應廷周正歧雷聲鏞張紹武陳昌福王正森周守  
岐黃開陽壽皆七十有七

右新采七十以  
上者十一人

贊曰華封三祝次壽箕疇五福先壽壽豈易言哉惟有德者能享之耳天下  
達尊在鄉黨莫如齒古人養老具有典型是亦風教所關俟諸百世而不惑  
者和氣徵祥且將登斯民於仁壽之域以視末世之歿折其舒慘相去何  
如耶

灌縣志

卷十二

人士傳下

五十三